

১৪৫১১
নৈবেদ্য ।


শ্রীরবীন্দ্রনাথ ঠাকুর ।

— Raviindranath
আদি ব্রাহ্মসমাজ যন্ত্রে
শ্রীমদেবেনাথ ভট্টাচার্য দ্বারা মুদ্রিত ।

৫৫নং অপার চিৎপুর রোড ।

— ১৫/৬
আবাদ, ১৩০৮ সাল ।

মূল্য ২ টাকা ।



এই কাব্যগ্রন্থ
পরম পূজ্যপাদ পিতৃদেবের
শ্রীচরণকমলে উৎসর্গ
করিলাম ।

আষাঢ়

১৩০৮ ।

নৈবেদ্য ।

১

প্রতিদিন আমি হে জীবনস্বামী
দাঁড়াব তোমারি সন্মুখে !
করি জোড়কর হে ভুবনেশ্বর
দাঁড়াব তোমারি সন্মুখে !

তোমার অপার আকাশের তলে
বিজনে বিরলে হে—
নম্র হৃদয়ে নয়নের জলে
দাঁড়াব তোমারি সন্মুখে !

১

তোমারি বিচিত্র এ ভব সংসারে
 কন্দ পাবার পারে হে,
 নিখিল জগত-জনের মাঝারে
 দাড়াব তোমারি সম্মুখে !

তোমার এ ভবে মোর কাজ হবে
 সমাপন হবে হে
 ওগো রাজরাজ একাকী নীরবে
 দাড়াব তোমারি সম্মুখে ।

২

আমার এ বরে আপনার করে

গৃহদীপখানি জ্বালো !

সব তুখশোক সার্থক হোক

নভিবা তোমারি জ্বালো !

কোণে কোণে বত লুকান আঁধার

মকক্ ধন্য হবে

তোমারি পুণ্য আলোকে বসিয়া

প্রিয়জনে বাসি ভালো !

আমার এ বরে আপনার করে

গৃহদীপখানি জ্বালো !

পরশ মণির প্রদীপ তোমার

অচপল তার জ্যোতি,

শোনা করে নিচ্ পলকে আমার

সব কলঙ্ক কালো !

আমার এ ঘরে আপনার করে

গৃহদীপখানি জালো !

আমি বত দীপ জালি, শুধু তার

জালা আর শুধু কালী,

আমার ঘরেব ছয়ারে শিররে

তোমারি কিরণ ঢালো !

আমার এ ঘরে আপনার করে

গৃহদীপখানি জালো !

৩

নিশীথশয়নে ভেবে রাখি মনে

ও গো অন্তরবাসী,

প্রভাতে প্রথম নয়ন মেলিয়া

তোমাতে হেরিব আমি,

ওগো অন্তরবাসী !

জাগিয়া বসিয়া শুভ্র আলোকে,

তোমার চরণে ননিয়া পুলকে,

মনে ভেবে রাখি দিনের কস্ম

তোমাতে সঁপিব স্বামী,

ওগো অন্তরবাসী !

দিনের কৰ্ম সাধিতে সাধিতে
 ক্ষণে ক্ষণে ভাবি মনে
 কৰ্ম্ম অন্তে সন্ধ্যাবেলায়
 বসিব তোমার সনে।

সন্ধ্যাবেলায় ভাবি বসে ঘরে
 তোমার নিশীথ-বিরাম-সাগরে
 প্রাপ্তপ্রাণের ভাবনা বেদনা
 নারবে যাইবে নারি,
 ওগো অন্তরবাসী !

৪

তোমারি রাগিণী জীবনকুঞ্জে
বাজে যেন সদা বাজে গো !
তোমারি আসন হৃদয়পদ্মে
রাজে যেন সদা রাজে গো !

তব নন্দন-গন্ধমোদিত
ফিরি সুন্দর ভুবনে,
তব পদরেণু মাধি লয়ে তব
সাজে যেন সদা সাজে গো !

তোমারি রাগিণী জীবনকুঞ্জে
বাজে যেন সদা বাজে গো !

সব বিদ্রোহ দূরে বায় যেন
 তব মঙ্গলমস্ত্রে,
 বিকাশে মাধুরী জদয়ে বাহিরে
 তব সঙ্গীত ছন্দে !
 তব নিশ্চল নীরব হাস্য
 হেরি অন্ধর ব্যাপিয়া,
 তব গোরবে সকল গর্ক
 লাজে যেন সদা লাজে গো !

তোমারি রাগিণী জীবনকুঞ্জে
 বাজে যেন সদা বাজে গো !

৫

যদি এ আনার হৃদয় ছুয়ার
বন্ধ রহে গো কভু,
দ্বার ভেঙে তুমি এসো মোর প্রাণে
কিরিয়া যেয়োনা প্রভু !

যদি কোন দিন এ বাণীর তারে
তব পিঙ্গনাম নাহি ঝঙ্কারে,
দয়া করে তুমি ক্ষণেক দাঁড়ায়ো
কিরিয়া যেয়োনা প্রভু !

তব আস্থানে যদি কভু মোর
 নাহি ভেঙে যায় স্রুপ্তির ঘোর
 বজ্রবেদনে জাগারো আমার,

ফিরিয়া যেয়োনা প্রভু !

যদি কোন দিন তোমার আদনে
 আর কাহারেও বসাই যতনে,
 চির দিবসের হে রাজা আমার

ফিরিয়া যেয়োনা প্রভু !

৬

সংসার ববে মন কেড়ে লয়

জাগে না যখন প্রাণ

ভখনো হে নাথ প্রণমি তোমায়

গাহি বসে তব গান !

অন্তরবামী ক্ষম সে আমার

শৃঙ্গমনের বৃথা উপহার,

পুষ্পবিহীন পূজা আয়োজন

ভক্তিবিহীন তান,

সংসার ববে মন কেড়ে লয়

জাগে না যখন প্রাণ!

ভাবি তব নাম শুধু কঠে,

আশা করি প্রাণপণে

নিবিড় প্রেমের সরস বরষা

যদি নেমে আসে মনে !

সহসা একদা আপনা হইতে

ভরি দিবে তুমি তোমার অমৃত্তে

এই ভরসায় করি পদতলে

শূন্য হৃদয় দান,

সংসার হবে মন কেড়ে লয়

জাগে না যখন প্রাণ !

৭

জীবনে আমার যত আনন্দ
পেয়েছি দিবসরাত
সবার মাঝারে তোমারে আজিকে
অরিব জীবননাথ ।

যে দিন তোমার জগৎ নিরখি
হরষে পরাণ উঠেছে পুলকি’,
• সেদিন আমার নয়নে হয়েছে
তোমারি নয়নপাত ।

সব আনন্দ মাঝারে তোমারে
অরিব জীবননাথ !

বার বার তুমি আপনার হাতে

স্বাদে গন্ধে ও গানে

বাহির হইতে পরশ করেছ

অন্তর মাঝখানে ।

পিতা মাতা ভ্রাতা প্রিয় পরিবার,

মিত্র আমার, পুত্র আমার,

সকলের সাথে হৃদয়ে প্রবেশি

তুমি আছ মোর সাথে !

সব আনন্দ মাঝারে তোমারে

স্মরিব জীবননাথ !

৮

কাব্যের কথা বাধা পড়ে যথা
ছন্দের বাধনে,
পরাণে তোমায় ধরিয়া রাখিব
সেই মত সাধনে !

কাঁপায়ে আমার হৃদয়ের সীমা
বাজিবে তোমার অসীম মহিমা,
চিরবিচিত্র আনন্দরূপে

ধরা দিবে জীবনে,

কাব্যের কথা বাধা পড়ে যথা
ছন্দের বাধনে !

আমাঞ্চ তুচ্ছ দিনের কশ্মে
 তুমি দিবে গরিমা,
 আমার তনুর অণুতে অণুতে
 রবে তব প্রতিমা ।

সকল প্রেমের স্নেহের মাঝারে
 আসন সঁপিব হৃদয়-রাজ্যারে,
 অসীম তোমার ভুবনে রহিয়া
 রবে মম ভবনে,

কাব্যের কথা বাঁধা রহে যথা
 ছন্দের বাঁধনে !

৯

না বুঝেও আমি বুঝেছি তোমাতে
কেমনে কিছু না জানি ।
অর্থের শেষ পাই না, তবুও
বুঝেছি তোমার বাণী ।

নিশ্বাসে মোর নিমেষের পাতে,
চেতনা বেদনা ভাবনা আঘাতে,
কে দেয় সর্কশরীরে ও মনে

তব সংবাদ আনি !

না বুঝেও আমি বুঝেছি তোমাতে
কেমনে কিছু না জানি !

তব রাজত্ব লোক হতে লোকে,
 সে বারতা আমি পেয়েছি পলকে
 হৃদি মাঝে যবে ছেঁয়েছি তোমার
 বিশ্বের রাজধানী ।
 না বুঝেও আমি বুঝেছি তোমারে
 কেমনে কিছু না জানি !

আপনার চিতে নিবিড় নিভূতে
 যেথায় তোমারে পেয়েছি জানিতে
 সেথায় সকলি স্থির নির্ঝাঁক
 ভাষা পরাস্ত মানি ।
 না বুঝেও আমি বুঝেছি তোমারে
 কেমনে কিছু না জানি !

১০

যারা কাছে আছে তারা কাছে থাক্,
তারা ত পাবে না জানিতে
তাহাদের চেয়ে তুমি কাছে আছ
আমার হৃদয়খানিতে !

যারা কথা বলে তাহাবা বলুক,
আমি কাহারেও করি না বিমুখ,
তারা নাহি জানে ভরা আছে প্রাণ
তব অকথিত বাণীতে !

নীৰবে নিয়ত রয়েছ আমার
নীৰব হৃদয়খানিতে !

তোমার লাগিয়া কারেও হে প্রভু
 পথ ছেড়ে দিতে বলিব না কভু,
 যত প্রেম আছে সব প্রেম মোরে

তোমা পানে রবে টানিতে ।

সকলের প্রেমে রবে তব প্রেম
 আমার হৃদয়খানিতে ।

সবার সহিতে তোমার বাঁধন
 হেরি যেন সদা এ মোর সাধন,
 সবার সঙ্গে পারে যেন মনে

তব আরাধনা আনিতে !

সবার মিলনে তোমার মিলন
 জাগিবে হৃদয়খানিতে ।

১১

আঁধারে আবৃত ঘন সংশয়
বিশ্ব করিছে গ্রাস,
তারি মাঝখানে সংশয়াতীত
প্রত্যয় করে বাস ।

বাক্যের ঝড়, তর্কের ধূলি,
অন্ধবুদ্ধি ফিরিছে আকুলি,
প্রত্যয় আছে আপনার মাঝে
নাহি তার কোন ভ্রাস ।

সংসার পথে শত সঙ্কট
 ঘুরিছে ঘূর্ণবায়ে
 তারি মাকথানে অচলা শান্তি
 অমর তরুচ্ছায়ে ।

নিন্দা ও ক্ষতি মৃত্যু বিরহ
 কত বিষবাণ উড়ে অহরহ
 স্থির যোগাসনে চির আনন্দ
 তাহার নাহিক নাশ ॥

১২

অমল কমল সহজে জলের কোলে
 আনন্দে রহে ফুটিয়া ;
 ফিরিতে না হয় আলায় কোথায় বলে'
 ধুলায় ধুলায় লুটিয়া !
 তেমনি সহজে আনন্দে হরষিত
 তে'মার মাঝারে রব নিমগ্ন চিত,
 পূজা-শতদল আপনি সে বিকশিত
 সব সংশয় টুটিয়া !

কোথা আছ তুমি পথ না খুঁজিব কভু,
 শুধাব নী কোন পথিকে ।
 তোমারি মাঝারে ভ্রমিব ফিরিব প্রভু
 যখন ফিরিব যেদিকে ।
 চলিব যখন তোমার আকাশ গেহে
 তব আনন্দপ্রবাহ লাগিবে দেহে,
 তোমার পবন সখার মতন স্নেহে
 বক্ষে আসিবে ছুটিয়া ।

১৩

সকল গৰ্জ দূর করি দিব,
তোমার গৰ্জ ছাড়িব না !
সবারে ডাকিয়া কহিব, যে দিন
পাব তব পদ-রেণুকণা !

তব আস্থান আসিবে যখন
সে কথা কেমনে করিব গোপন ?
সকল নাক্যে সকল কন্ঠে
প্রকাশিবে তব আরাধনা ।

সকল গৰ্জ দূর করি দিব,
তোমার গৰ্জ ছাড়িব না !

যত মান আমি পেয়েছি যে কাজে
সে দিন সকলি যাবে দূরে ।

শুধু তব মান দেহে মনে মোর
বাজিয়া উঠিবে এক সুরে ।

পথের পথিক সেও দেখে যাবে
তোমাব বারতা মোর মুখভাবে,
ভবসংসার-বাতায়ন তলে
বসে রব যবে আনমনা !

সকল গর্ক দূর করি দিব,
তোমার গর্ক ছাড়িব না ।

১৪

তোমার অদীমে প্রাণ মন লয়ে
যত দূরে আমি যাই
কোথাও ছুঁখ কোথাও মৃত্যু
কোথা বিচ্ছেদ নাই ।

মৃত্যু সে ধরে মৃত্যুর রূপ,
ছুঁখ সে হয় ছুঁখের কূপ
তোমা হতে যবে স্বতন্ত্র হয়ে
আপনার পানে চাই ।

হে পূর্ণ তব চরণের কাছে
বাহা কিছু সব আছে আছে আছে,
নাই নাই ভয় সে শুধু আমার
নিশি দিন কাঁদি তাই ।

অন্তর-খানি, সংসার-ভার
পলক ফেলিতে কোথা একাকার,
তোমার স্বরূপ জীবনের মাঝে
রাখিবারে যদি পাই ।

১৫

অঁধার আসিতে রজনীর দীপ
 জ্বলেছিল বতগুলি—
 নিবাও, রে মন, আজি সে নিবাও
 সকল দুয়ার খুলি !

আজি মোর ঘরে জানি না কখন
 প্রভাত করেছে রবির কিরণ,
 মাটির প্রদীপে নাই প্রয়োজন,
 ধুলায় হোক সে ধূলি !

নিবাও, রে মন, রজনীর দীপ
 সকল দুয়ার খুলি !

রাক্ষস রাথ আজ তুলিয়োনা সুর
 ছিন্ন বীণার তারে !
 নীরবে, রে মন, দাঁড়াও আসিয়া
 আপন বাহির দ্বারে !

শুন আজি প্রাতে সকল আকাশ
 সকল আলোক সকল বাতাস
 তোনার হইয়া গাহে সঙ্গীত
 বিরাট্ কণ্ঠ তুলি' !

নিবাও নিবাও রজনীর দীপ
 সকল ঘরের গুলি' !

১৬

ভক্ত করিছে প্রভুর চরণে
জীবন সমর্পণ,
ওরে দীন তুই ঘোড় কর করি
কর তাহা দরশন !

মিলনের ধারা পড়িতেছে ঝরি,
বহিয়া যেতেছে অমৃত লহরী,
ভূতলে মাথাটি রাখিয়া, লহরে
শুভাশিষ বরিষণ !

ভক্ত করিছে প্রভুর চরণে
জীবন সমর্পণ !

ওই যে আলোক পড়েছে তাঁহার
 উদার ললাট দেশে
 সেথা হতে তারি একটি রশ্মি
 পড়ুক মাথায় এসে !
 চারি দিকে তাঁর শান্তিসাগর
 স্থির হয়ে আছে ভরি চরাচর,
 ক্ষণকাল তরে দাঁড়াওরে তীরে
 শান্ত কররে মন !

ভক্ত করিছে প্রভুর চরণে
 জীবন সমর্পণ !

১৭

অন্ন লইয়া থাকি, তাই মোর
 যাহা যায় তাহা যায় !
 কণাটুকু যদি হারায় তা' লসে
 প্রাণ করে হায় হায় !

নদীতট সম কেবলি বৃথাই
 প্রবাহ অঁকড়ি রাখিবারে চাই,
 একে একে বুকে আঘাত করিয়া
 ঢেউগুলি কোথা ধায় !

অন্ন লইয়া থাকি, তাই মোর
 যাহা যায় তাহা যায় !

বাহা বায় আর বাহা কিছু থাকে
 সব যদি দিই সঁপিয়া তোমাকে
 তবে নাহি ক্ষয়, সবি জেগে রয়
 তব মহা মহিমায় !
 তোমাতে রয়েছে কত শশিভানু,
 কত না হারায় অণু পরমাণু,
 আমার ক্ষুদ্র হারাধনগুলি
 রবে না কি তব পায় ?

অল্প লইয়া থাকি, তাই মোর
 বাহা বায় তাহা বায় !

১৮

পাঠাইলে আজি মৃত্যুর দূত
আমার ঘরের দ্বারে,
তব আহ্বান করি সে বহন
পার হয়ে এল পারে

আজি এ রজনী তিমির-অঁধার,
ভগ্ন-ভারাতুর হৃদয় আমার,
তবু দীপহাতে খুলি দিয়া দ্বার
নমিয়া লইব তারে ।

পাঠাইলে আজি মৃত্যুর দূত
আমার ঘরের দ্বারে !

পূজিব তাহারে বোড়কর করি
 ব্যাকুল নয়ন জলে ;
 পূজিব তাহারে, পরাণের ধন
 সঁপিয়া চরণতলে !
 আদেশ পালন করিয়া তোমারি
 যাবে সে আমার প্রভাত অঁধারি',
 শূন্যভাবে বসি তব পায়ে
 অর্পিব আপনারে !

পাঠাইলে আজি মৃত্যুর দূত
 আমার ঘরের দ্বারে !

১৯

প্রতিদিন তব গাথা

গাব আমি স্মধুর,

তুমি মোরে দাও কথা,

তুমি মোরে দাও স্বর !

তুমি যদি থাক মনে

বিকচ কমলাসনে,

তুমি যদি কর প্রাণ

তব প্রেমে পরিপূর—

প্রতিদিন তব গাথা

গাব আমি স্মধুর !

তুমি যদি শোন গান
 আমার সমুখে থাকি,
 সুখা যদি করে দান
 তোমার উদার অঁখি,
 তুমি যদি হৃথগরে
 রাখ হাত স্নেহভরে,
 তুমি যদি অঁখ হতে
 দস্ত করহ দূর—
 প্রতিদিন তব গাথা
 গাব আমি অমধুর !

২০

তোমার পতাকা যারে দাও, তারে
 বহিবারে দাও শক্তি !
 তোমার সেবার মহৎ প্রয়াস
 সহিবারে দাও ভক্তি !
 আমি তাই চাই ভরিয়া পরাণ
 হৃৎধেরি সাথে হৃৎধের জ্ঞান,
 তোমার হাতের বেদনার দান
 এড়ায়ে চাহি না মুক্তি !
 হৃৎ হবে মোর মাথার মাণিক
 সাথে যদি দাও ভক্তি !

যত দিতে চাও কাজ দিয়ো, যদি
 তোমাতে না দাও ভুলিতে,—
 অন্তর যদি জড়াতে না দাও
 জাল-জঞ্জালগুলিতে !
 বাধিয়ো আমার যত খুঁসি ডোরে,
 মুক্ত রাখিয়ো তোমা পানে মোরে,
 ধূলায় রাখিয়ো, পবিত্র করে’
 তোমার চরণ ধূলিতে !
 ভূলায়ে রাখিয়ো সংসার তলে,
 তোমাতে দিয়োনা ভুলিতে !

যে পথে ঘুরিতে দিগেছ ঘুরিব,

যাই যেন তব চরণে !

সব শ্রম যেন বহি লয় মোরে

সকল-শ্রান্তি-হরণে !

দুর্গম-পথ এ ভব-গহন,

কত ত্যাগ শোক বিরহ দহন,

জীবনে মরণ করিয়া বহন

প্রাণ পাই যেন মরণে !

সক্যাবেলায় লভি গো কুলায়

নিখিল-শরণ-চরণে !

২১

ঘাটে বসে আছি আন-মনা,
 যেতেছে বহিয়া স্নানময় !
 এ বাতাসে তরী ভাসাব না
 তোমা পানে যদি নাহি বয় !
 দিন যায় ও গো দিন যায়,
 দিনমণি যায় অন্তে !
 নাহি হেরি বাট, দূরতীরে মাঠ
 ধূসর গোধূলি-ধূলিময় !

ঘরের ঠিকানা হলনা গো !
 মন করে তবু যাই যাই !
 কবতার। তুমি যেথা জাগো
 সে দিকের পথ চিনি নাই !
 এতদিন তরী বাহিলাম,
 বাহিলাম তরী যে পথে
 শতবার তরী ডুবু ডুবু করি'
 সে পথে ভরসা নাহি পাই !

তীর সাথে হের শত ডোরে

বাঁধা আছে মোর তরীখান !

রসি খুলে দেবে কবে মোরে

ভাসিতে পারিলে বাঁচে প্রাণ !

কোথা বুকজোড়া খোলা হাওয়া,

সাগরের খোলা হাওয়া কই !

কোথা মহাগান ভরি দিবে কান,

কোথা সাগরের মহাগান !

২২

মধ্যাহ্নে নগর বাহ্যে পথ হতে পথে
কর্মবন্যা ধায় যবে উদ্বেলিত স্রোতে
শত শাখা প্রশাখায় ;—নগরের নাড়ী
উঠে ক্ষীত তপ্ত হয়ে, নাচে সে আছাড়ি
পাষণ ভিত্তির পরে ; চৌদিক আকুলি
ধায় পান্থ, ছুটে রথ, উড়ে শুষ্ক ধূলি,

তখন সহসা হেরি মুদিয়া নয়ন
 মহা জনারণ্যমাঝে অনন্ত নিজ্জন
 তোমার আসনখানি,—কোলাহল মাঝে
 তোমার নিঃশব্দ সভা নিস্তন্ধে বিরাজে ।
 সব ছুঁখে, সব স্নুখে, সব ঘরে ঘরে,
 সব চিন্তে, সব চিন্তা সব চেষ্টা পরে
 যতদূর দৃষ্টি যায় শুধু যায় দেখা
 হে সঙ্গবিহীন দেব, তুমি বসি একা !

২৩

আজি হেমন্তের শান্তি ব্যাপ্ত চরাচরে ।

জনশূন্য ক্ষেত্রমাঝে দীপ্ত দ্বিপ্রহরে
 শব্দহীন গতিহীন স্তব্ধতা উদার
 রয়েছে পড়িয়া শ্রান্ত দিগন্তপ্রসার
 স্বর্ণশ্রাম ডানা মেলি । ক্ষীণ নদীরেখা
 নাহি করে গান আজি, নাহি লেখে লেখা
 বালুকার তটে । দূরে দূরে পল্লী যত
 মুদিত নয়নে রৌদ্র পোহাইতে রত
 নিদ্রায় অলস ক্লান্ত । এই স্তব্ধতার

শুনিতেছি তুণে তুণে, ধূলার ধূলার,
 মোর সঙ্গে রোমে রোমে, লোকে লোকাঙ্করে
 গ্রহে সূর্য্যে তারকার নিত্যকাল ধরে’
 অণু পরমাণুদের নৃত্যকলরোল,—
 তোমার আসন ঘেরি অনন্ত করোলি !

মাঝে মাঝে কতবার ভাবি কন্দহীন

আজ নষ্ট হল বেলা, নষ্ট হল দিন ।

নষ্ট হয় নাই, প্রভু, সে সকল ক্ষণ,

আপনি তাদের তুমি করেছ গ্রহণ

ওগো অন্তর্যামী দেব ! অন্তরে অন্তরে

গোপনে প্রচ্ছন্ন রহি' কোন্ অবসরে

বীজেতে অকুররূপে তুলেছ জাগারে,

মুকুলে প্রফুটবর্ণে দিয়েছ রাঙারে,

ফুলেরে করেছ ফল রসে স্মধুর,
 বীজে পরিণত গর্ভ । আমি নিদ্রাতুর
 আলস্ত-শয্যার পরে শ্রান্তিতে মরিয়া
 ভেবেছিহু সব কৰ্ম্ম রহিল পড়িয়া !

প্রভাতে জাগিয়া উঠি মেলি হু নয়ন,
 দেখিহু ভরিয়া আছে আমার কানন !

২৫

আবার আমার হাতে বীণা দাও তুলি,
আবার আশুক ফিরে হারা গান গুলি !

সহসা কঠিন শীতে মানসের জলে
পদ্মবন মরে' যায়, হংস দলে দলে
সারি বেঁধে উড়ে যায় স্রুদূর দক্ষিণে
জনহীন কাশফুল্ল নদীর পুলিনে ;
আবার বসন্তে তারা ফিরে আসে যথা
বহি লয়ে আনন্দের কলমুখরতা,—

তেমনি আমার যত উড়ে-যাওয়া গান
আবার আসুক ফিরে, মৌন এ পরাণ
ভরি উত্তরোলে ; তারা শুনাক্ এবার
সমুদ্রতীরের তান, অস্ত্রাত রাজার
অগম্য রাজ্যের যত অপরূপ কথা,
নীমাশ্রুত নিরুজ্জনের অপূৰ্ণ বারতা !

২৬

এ আমার শরীরের শিরায় শিরায়
 যে প্রাণ-তরঙ্গমালা রাত্রিদিন ধায়
 সেই প্রাণ ছুটিয়াছে বিশ্ব-দিগ্বিজয়ে,
 সেই প্রাণ অপরূপ ছন্দে তালে লয়ে
 নাচিছে ভুবনে ;—সেই প্রাণ চূপে চূপে
 বসুধার মৃত্তিকার প্রতি রোমকূপে
 লক্ষ লক্ষ ভূগে ভূগে সঞ্চারে হরষে,
 বিকাশে পল্লবে পুষ্পে,—বরষে বরষে
 বিশ্বব্যাপী জন্মমৃত্যু-সমুদ্র দোলায়
 ছলিতেছে অন্তহীন জোয়ার তাঁটায় !

করিতেছি অল্পভব, সে অনন্ত প্রাণ

অঙ্গে অঙ্গে আমারে করেছে মহীয়ান্ !

সেই যুগযুগান্তের বিরাট স্পন্দন

আমার নাড়ীতে আজি করিছে নর্তন !

২৭

দেহে আর মনে প্রাণে হয়ে একাকার
এ কি অপরূপ লীলা এ অঙ্গে আমার !

এ কি জ্যোতি ! এ কি ব্যোম দীপ্ত দীপ-জ্বালা'
দিবা আর রজনীর চির নাট্যশালা !
এ কি শ্রাম বসুন্ধরা, সমুদ্রে চঞ্চল,
পর্ষতে কঠিন, তরুণলবে কোমল,
অরণ্যে আঁধার ! এ কি বিচিত্র বিশাল
অবিশ্রাম রচিতেছে স্বজনের জাল
আমার ইন্দ্রিয় যন্তে ইন্দ্রজালবৎ !
প্রত্যেক প্রাণীর মাঝে প্রকাণ্ড জগৎ ।

তোমারি মিলনশয্যা, হে মোর রাজন,

কুদ্র এ আমার মাঝে অনন্ত আসন

অসীম বিচিত্রকান্ত ! ও গো বিশ্বভূপ,

দেহে মনে প্রাণে আমি এ কি অপরূপ !

২৮

তুমি তবে এস নাথ, বস শুভকর্ণে
দেহে মনে গাঁথা এই মহা সিংহাসনে !

মোর হৃ'নয়নে ব্যাপ্ত এই নীলাবরে
কোন শূন্য রাখিয়ো না আর কারো তরে,
আমার সাগরে শৈলে কান্তারে কাননে,
আমার হৃদয়ে দেহে, সজনে নিৰ্জনে !

জ্যোৎস্নাস্তম্ভ নিশীথের নিস্তরুগ্রহরে
 আনন্দে বিষাদে গাঁথা ছায়ালোক পরে
 বস তুমি মাঝখানে ! শান্তিরস দাও
 আমার অশ্রুর জলে, ত্রীহস্ত বুলাও
 সকল স্মৃতির পরে, প্রেমসৌর প্রেমে
 মধুর মঙ্গলরূপে তুমি এস নেমে !

সকল সংসারবন্ধে বন্ধন বিহীন
 তোমার মহান্ মুক্তি থাক্ রাত্রিদিন !

২৯

ক্রমে স্নান হয়ে আসে ময়নের জ্যোতি
 নয়ন তারায় ; বিপুলা এ বসুমতী
 ধীরে মিলাইয়া আসে ছায়ার মতন
 লয়ে তার সিন্ধু শৈল কান্তার কানন ;
 বিচিত্র এ বিশ্বগান ক্ষীণ হয়ে বাজে
 ইন্দ্রিয়বীণার সূক্ষ্ম শততন্ত্রীমাঝে ;

বর্ষে বর্ষে স্মরঞ্জিত বিশ্বচিত্রখানি
 ধীরে ধীরে মৃচ্ছ হস্তে লও তুমি টানি'
 সর্স্বাঙ্গ হৃদয় হতে ; দীপ্ত দীপাবলী
 ইঞ্জিয়ের দ্বারে দ্বারে ছিল যা উজ্জ্বলি'
 দাও নিবাইয়া ; তার পরে অন্ধরাতে
 যে নির্মল মৃত্যুশয্যা পাত নিম্নহাতে

সে বিশ্বভুবনহীন নিঃশব্দ আসনে
 একা তুমি বস আসি পরম নির্জনে !

৩০

বৈরাগ্য সাধনে মুক্তি, সে আমার নয় !

অসংখ্য বন্ধনমাবো মহানন্দময়
লভিব মুক্তির স্বাদ । এই বসুন্ধার
মুক্তিকার পাত্রখানি ভরি বারম্বার
তোমার অমৃত ঢালি দিবে অবিরত
নানা বর্ণগন্ধময় ! প্রদীপের মত
সমস্ত সংসার মোর লক্ষ বর্জিকায়
জ্বালায়ে তুলিবে আলো তোমারি শিখায়

তোমার মন্দির মাঝে ! ইন্দ্রিয়ের দ্বার
 রুদ্ধ করি যোগাসন, সে নহে আমার !
 যে কিছু আনন্দ আছে দৃশ্যে গন্ধে গানে
 তোমার আনন্দ রবে তার মাঝখানে !

মোহ মোর মুক্তিরূপে উঠিবে জলিয়া,
 প্রেম মোর ভক্তিরূপে রহিবে ফলিয়া !

৩১

তোমার ভুবনমাঝে ফিরি মুগ্ধসম
 হে বিশ্বমোহন নাথ ! চক্রে লাগে মম
 প্রশান্ত আনন্দধন অনন্ত আকাশ ;
 শরৎমধ্যাহ্নে পূর্ণ সুবর্ণ উজ্জ্বল
 আমার শিরার মাঝে করিয়া প্রবেশ
 মিশার রক্তের সাথে অতিষ্ঠ আবেশ !

ভুলার আমারে সবে ! বিচিত্র ভাষায়
 তোমার সংসার মোরে কঁদায় হাসায় ;
 তব নর নারী সবে দ্বিধিদিকে মোরে
 টেনে নিয়ে যায় কত বেদনার ডোরে,
 বাসনার টানে ! সেই মোর মুক্ত মন
 বীণাসম তব অঙ্কে করিছ অর্পণ,—
 তা'র শত মোহতন্ত্রে করিয়া আঘাত
 বিচিত্র সঙ্গীত তব জাগাও, হে নাথ !

৩২

নির্জ্জন শরন মাঝে কালি রাত্রিবেলা
 ভাবিতেছিলাম আমি বসিয়া একেলা
 গতজীবনের কত কথা। হেন ক্ষণে
 শুনিলাম, তুমি কহিতেছ যোগ মনে ;—

ওরে মত্ত, ওরে মুগ্ধ, ওরে আত্মতোলা,
 রেখেছিলি আপনার সব দ্বার খোলা,
 চঞ্চল এ সংসারের যত ছায়ালোক,
 যত ভুল, যত ধূলি, যত হঃখশোক,
 যত ভাল মন্দ যত গীতগন্ধ ল'য়ে
 বিশ্ব পশেছিল তোর অবাধ আলয়ে ।
 সেই সাথে তোর মুক্ত বাতায়নে আমি
 অজ্ঞাতে অসংখ্যবার এসেছিহু নামি ।

দ্বার কখি' অপিতিস্ যদি মোর নাম
 কোন্ পথ দিয়ে তোর চিত্তে পশিতাম !

৩৬

তখন করিনি নাথ কোন আরোহণ ;
 বিশ্বের সবার সাথে, হে বিশ্ব-রাজন,
 অজ্ঞাতে আসিতে হাসি আমার অন্তরে
 কত শুভদিনে ; কত মুহূর্তের পরে
 অসীমের চিহ্ন লিখে গেছ ! লই তুলি’
 তোমার স্বাক্ষর-আঁকা সেই ক্ষণগুলি,—
 দেখি তার। স্মৃতিমাঝে আছিল ছড়ারে
 কত না ধূপির সাথে, আছিল জড়ারে
 ক্ষণিকের কত তুচ্ছ সুখদুঃখ ঘিরে !

হে নাথ, অবজ্ঞা করি যাও নাই ফিরে
 আমার সে ধূলান্তূপ খেলাঘর দেখে' !
 খেলাঘরে শুনিতে পেয়েছি থেকে থেকে
 যে চরণধ্বনি—আজ শুনি তাই বাজে
 জগৎ-সঙ্গীত সাথে চন্দ্রস্বর্যমাঝে !

৩৪

কায়ে দূর নাহি কর ! যত করে দান
 তোমায়ে হৃদয় মন তত হয় স্থান
 সবারে লইতে প্রাণে । বিদেব যেখানে
 দ্বার হতে কায়েও তাড়ায় অপমানে
 তুমি সেই সাথে যাও ; যেথা অহঙ্কার
 ঘৃণাভরে ক্ষুদ্রজনে রুদ্ধ করে দ্বার
 সেথা হতে ফির তুমি ; দীর্ঘা চিত্তকোণে
 বসি বসি ছিদ্র করে তোমাংগি আসনে
 তপ্তশূলে । তুমি থাক, যেথায় সবাই
 সহজে খুঁজিয়া পায় নিজ নিজ ঠাই !

সুদ্র রাজা আসে যবে, ভৃত্য উচ্চরবে

হাঁকি কহে—সরে' যাও, দূরে যাও সবে !

মহারাজ, তুমি যবে এস, সেই সাথে

নিখিল জগৎ আসে তোমারি পশ্চাতে !



৩৫

কালি হাতে পরিহাসে গানে আলোচনে
 অর্দ্ধরাত্রি কেটে গেল বজ্রজন সনে ।
 আনন্দের নিদ্রাহারা প্রাপ্তি বহে' লয়ে'
 ফিরি' আসিলাম যবে নিভৃত আলয়ে
 দাঁড়াইলু অঁধার অঙ্গনে । শীতবায়
 বুলাল মেহের হস্ত তপ্ত ক্রান্ত গায়
 মুহূর্তে চঞ্চল রক্তে শান্তি আনি দিয়া ।

মুহূর্ত্তেই মৌন হল স্তব্ধ হল হিয়া

নির্কাণ্ডপ্রদীপ রিক্ত নাট্যশালা সম ।

চাহিয়া দেখিছু উর্দ্ধপানে ; চিত্ত মম

মুহূর্ত্তেই পার হয়ে অসীম রজনী

দাঁড়াল নক্ষত্রলোকে । হেরিছু তথনি

খেলিতেছিলাম মোরা অকুণ্ঠিত মনে

তব স্তব্ধপ্রাসাদের অনন্ত প্রাঙ্গণে ।

৩৬

কোথা হতে আসিয়াছি নাহি পড়ে মনে
অগণ্য যাত্রীর সাথে তীর্থ দরশনে
এই বসুন্ধরাতলে ; লাগিয়াছে তরী
নীলাকাশ-সমুদ্রের ঝাটের উপরি ।

গুনা যায় চারি দিকে দিবসরজনী
বাজিতেছে বিরাট সংসার-শঙ্খধ্বনি
লক্ষ লক্ষ জীবনফুৎকারে । এত বেলা
যাত্রী নরনারী সাথে করিয়াছি মেলা
পুরীপ্রান্তে পাছশালা'পরে । নানে পানে
অপরাক্ত হয়ে এল গলে হাসি গানে ।

নৈবেদ্য ।

এখন মন্দিরে তব এসেছি, হে নাথ,
নির্জনে চরণতলে করি প্রণিপাত
এ জন্মের পূজা সমাপিব । তার পর
নবতীর্থে যেতে হবে, হে বহুধেয়র ।

৩৭

মহারাজ, ক্ষণেক দর্শন দিতে হবে
তোমার নিৰ্জ্জনধামে ! সেথা ডেকে লবে
সমস্ত আলোক হতে তোমার আলোতে
আমারে একাকী,—সর্ব সুখহুঃখ হতে,
সর্ব সঙ্গ হতে, সমস্ত এ বহুধার
কর্মবন্ধ হতে । দেব, মন্দিরে তোমার
পশিয়াছি পৃথিবীর সর্বযাত্রীসনে,
দ্বার মুক্ত ছিল যবে আরতির ক্ষণে !

দীপাবলী নিবাইয়া চলে যাবে যবে
 নানাপথে নানাধরে পূজকেরা সবে,
 দ্বার রুদ্ধ হয়ে যাবে ;—শান্ত অন্ধকার
 আমারে মিলায়ে দিবে চরণে তোমার !

একখানি জীবনের প্রদীপ তুলিয়া
 তোমাবে হেরিব একা জ্বলন তুলিয়া !

৩৮

প্রভাতে যখন শঙ্খ উঠেছিল বাজি'
তোমার প্রাঙ্গনতলে,—ভরি ল'য়ে সাজি
চলেছিল নরনারী তেয়াগিয়া ঘর
নবীন শিশিরসিক্ত গুঞ্জনমুখর
স্নিগ্ধবনপথ দিয়ে । আমি অন্তমনে
সঘন পল্লবপুঞ্জ ছায়াকুঞ্জবনে
ছিহু শুয়ে ভূগস্তীর্ণ তরঙ্গিনী তীরে
বিহঙ্গের কলগীতে স্মন্দ সমীরে !

আমি যাই নাই দেব তোমার পূজার,
 চেয়ে দেখি নাই পথে কারা চলে যায় !
 আজ ভাবি ভাগ হয়েছিল মোর ভুল,
 তখন কুসুমগুলি আছিল মুকুল,—

ধের তারা সারাদিনে ফুটিতেছে আজি
 অপরাহ্নে ডরিলাম এ পূজার সাজি !

৩৯

হে বাগেশ্বর তব হাতে কাল অশুভীন ।

গণনা কেহ না করে, রাত্রি আব দিন
আসে যায়, ফুটে করে যুগ যুগান্তবা ।
বিলম্ব নাহিক তব, নাহি তব ত্ববা,
প্রতীক্ষা করিতে জান । শতবষ ধরে
একটি পুষ্পের কলি ফুটাবার তরে
চলে তব দীর আয়োজন । কাল নাট
আমাদের হাতে; কাড়াকাড়ি করে তাই
সবে মিলে; দেরি কারো নাহি স্বে কভু ।

আগে তাই সকলের সব সেবা প্রভু
শেষ করে দিতে দিতে কেটে যায় কাল,
শূন্য পড়ে থাকে হায় তব পূজা খাল !

অসময়ে ছুটে আসি, মনে বাসি ভয়,—
এসে দেখি, যায় নাই তোমার সময় !

৪০

তোমার ইঙ্গিতখানি দেখিনি যখন
ধূলিমুষ্টি ছিল তারে করিয়া গোপন ।

যখনি দেখেছি আজ, তখনি পুলকে
নিরখি ভুবনময় আঁধারে আলোকে
অলে সে ইঙ্গিত; সাথে সাথে ফুলে ফুলে
ফুটে সে ইঙ্গিত; সমুদ্রের কূলে কূলে
ধরিত্রীর তটে তটে চিহ্ন অঁাকি' ধায়
ফেনাঙ্কিত তরঙ্গের চূড়ায় চূড়ায়
দ্রুত সে ইঙ্গিত; শুভ্রশীর্ষ হিমাদ্রির
শৃঙ্গে শৃঙ্গে উর্দ্ধমুখে জাগি' রহে স্থির
স্তব্ধ সে ইঙ্গিত !

তখন তোমার পানে
 বিমুগ্ধ হইয়া ছিলাম কি লয়ে কে জানে !

বিপরীত মুখে তারে পড়েছিলাম তাহ
 বিশ্বজোড়া সে লিপির অর্থ বুঝি নাই !

— — —

৪১

তব পূজা না আনিলে দণ্ড দিবে তায়ে
 যমদূত লয়ে যাবে নরকের দ্বারে
 ভক্তিহীনে এই বঙ্গি' যে দেখায় ভয়
 তোমার নিন্দুক সে যে, ভক্ত কভু নয় !

হে বিশ্বভুবনরাজ, এ বিশ্বভুবনে
 আপনারে সব চেয়ে রেখেছ গোপনে
 আপন মহিমা মাঝে ! তোমার সৃষ্টির
 ক্ষুদ্র বালুকণাটুকু, ক্ষণিক শিশির
 তারাও তোমার চেয়ে প্রত্যক্ষ আকারে
 দিকে দিকে ঘোষণা করিছে আপনারে !

যা কিছু তোমারি ভাই আপনার বলি’

চিরদিন এ সংসার চলিয়াছে ছলি’,—

তবু সে চোরের চৌর্য্য পড়ে না ত ধরা !

আপনারে জানাইতে নাই তব স্বরা !

৪২

সেই ত প্রেমের গর্ভ, ভক্তির গৌরব!

সে তব অগমরুদ্ধ অনন্ত নীরব

নিশ্চক্ৰ নির্জন মাঝে যার অভিসারে

পূজার স্তব্ধ ধ্বনি ভরি' উপহারে ।

তুমি চাও নাই পূজা সে চাহে পূজিতে

একটি প্রদীপ হাতে রয়ে সে খুঁজিতে

অস্তরের অস্তরালে । দেখে সে চাহিয়া

একাকী বসিয়া আছে ভরি' তার হিয়া ।

চমকি' নিবাসে দীপ দেখে সে তখন
 তোমারে ধরিতে নারে অনন্ত গগন ।
 চিরজীবনের পূজা চরণের তলে
 সমর্পণ করি' দেয় নয়নের জলে ।

বিনা আদেশের পূজা,—হে গোপনচারী,
 বিনা আহ্বানের খোঁজ, সেই গর্ভ ভারি ।

৪৩

কত না তুবারপুঞ্জ আছে স্তম্ভ হয়ে
অভ্রভেদী হিমাদির স্নদূর আলয়ে
পাষণ প্রাচীর মাঝে !—হে সিন্ধু মহান্,
তুমি ত তাদের করে কর না আহ্বান
আপন অতল হতে ! আপনার মাঝে
আছে তারা অবরুদ্ধ, কানে নাহি বাজে
বিশ্বের সঙ্গীত !

প্রভাতের রৌদ্রকরে

যে ভূষার ঝরে যায়, নদী হয়ে ঝরে,
বন্ধ টুটি' ছুটি' চলে,—হে সিদ্ধ মহান্
সেও ত শোনেনি কভু তোমার আহ্বান ।
সে স্বদূর গঙ্গোত্রীর শিখর চূড়ায়
তোমার গঙ্গীর গান কে শুনিতে পায় ?

আপন স্রোতের বেগে কি গঙ্গীর টানে
তোমারে সে খুঁজে পায় সেই তাহা জানে !

৪৪

মর্ত্যবাসীদের তুমি যা দিয়েছ প্রভু
মর্ত্যের সকল আশা মিটাইয়া তবু
রিক্ত তাহা নাহি হয় । তার সর্বশেষ
আপনি খুঁজিয়া ফিরে তোমারি উদ্দেশ ।

নদী ধায় নিত্যকাজে, সর্ব কৰ্ম সারি'
অস্তহীন ধারা তার চরণে তোমারি
নিত্য জলাঞ্জলিরূপে ঝরে অনিবার ।
কুসুম আপন গন্ধে সমস্ত সংসার
সম্পূর্ণ করিয়া তবু সম্পূর্ণ না হয়,—
তোমারি পূজায় তার শেষ পরিচয় ।
সংসারে বঞ্চিত করি' তব পূজা নহে ।

কবি আপনার গানে যত কথা কহে,
নানা জনে লহে তার নানা অর্থ টানি' ;
তোমা পানে ধায় তার শেষ অর্থখানি ।

৪৫

যে ভক্তি তোমাতে লয়ে বৈর্য্য নাহি মানে,
মুহুর্তে বিহ্বল হয় নৃত্যগীতগানে
ভাবোন্মাদ-মত্ততার, সেই জ্ঞানহারী
উদ্ভাস্ত উচ্ছল-ফেন ভক্তি-মদধারা
নাহি চাহি নাথ।

দাও ভক্তি শাস্ত্ররস
 স্নিক স্নান পূর্ণ করি মঙ্গল বলস
 সংসার ভবন দ্বারে ! যে ভক্তি অমৃত
 সমস্ত জীবনে মোর হইবে বিস্তৃত
 নিগূঢ় গভীর,—সৰ্ব্ব কক্ষে দিবে বল,
 বার্থ শুভ চেষ্টারেও করিবে সফল
 আনন্দে কল্যাণে । সৰ্ব্বপ্রেমে দিবে তৃপ্তি,
 সৰ্ব্ব হুঃখে দিবে ক্ষেম, সৰ্ব্ব সুখে দীপ্তি
 দাহীন ।

স্বরসিয়া ভাব-অশ্রুস্রীর
 চিত্ত হবে পরিপূর্ণ অমৃত গভীর ।



৪৬

মাহ্নেহ-বিগলিত স্তম্ভ-ক্ষীররস
 পান করি হাদে শিশু আনন্দে অলস,—
 তেমনি বিহ্বল হর্ষে ভাবরসরাশি
 কৈশোরে কবেছি পান ; বাজায়েছি বাঁশি
 প্রমত্ত পঞ্চম সুরে ;—প্রকৃতির বুক
 লালন-ললিত চিত্ত শিশুসম সুরে
 ছিন্ন শুয়ে ; প্রভাত-শরীরী-সন্ধ্যা-বধু
 নানা পাত্রে আনি' দিত নানাবর্ণ মধু
 পুষ্পগন্ধে মাখা ।

আজি সেই ভাবাবেশ
সেই বিহ্বলতা যদি হয়ে থাকে শেষ,
প্রকৃতির স্পর্শমোহ গিয়ে থাকে দূরে,—
কোন দুঃখ নাহি। পল্লী হতে রাজপুরে
এবার এনেছ মোরে—দাও চিন্তে বল !
দেখাও সত্যের মূর্তি কঠিন নির্মল !

৪৭

আঘাত সংঘাত মাঝে দাঁড়াইনু আসি ।

অঙ্গদ কুণ্ডলকণ্ঠী অলঙ্কাররাশি
খুলিয়া ফেলেছি দূরে ! দাও হস্তে তুলি
নিজ হাতে তোমার অমোঘ শরগুলি,
তোমার অক্ষয় তুণ ! অস্ত্রে দীক্ষা দেহ
রণশুর ! তোমার প্রবল পিতৃশ্রদ্ধে
ধ্বনিয়া উঠুক আজি কঠিন আদেশে !

কর মোরে সম্মানিত নব-বীরবেশে,
 দুঃক্লহ কর্তব্য ভারে, দুঃসহ কঠোর
 বেদনার ! পরাইয়া দাও অঙ্গে মোর
 ক্ষতচিহ্ন অলঙ্কার ! ধন্য কর দাসে
 সকল চেষ্টায় আর নিষ্ফল প্রয়াসে !
 ভাবের ললিত ক্রোড়ে না রাখি নিলীন
 কর্মক্ষেত্রে করি দাও সক্ষম স্বাধীন !

৪৮

এ দুর্ভাগ্য দেশ হতে হে মঙ্গলময়
 দূর করে দাও তুমি সর্ব তুচ্ছ ভয়,—
 লোকভয়, রাজভয়, মৃত্যুভয় আর !
 দীনপ্রাণ হুর্কলের এ পাষণ্ড ভার,
 এই চিরপেষণ যন্ত্রণা, ধূলিতলে
 এই নিত্য অবনতি, দণ্ডে পলে পলে
 এই আত্ম-অবমান, অন্তরে বাহিরে
 এই দাসত্বের রজ্জু, ত্রস্ত নতশিরে
 নহস্তের পদ প্রাস্ততলে বারম্বার
 মল্লশ্য-মর্যাদাগর্ক চিরপরিহার—

এ বৃহৎ লজ্জারশি চরণ আঘাতে
চূর্ণ করি দূর কর ! মঙ্গল প্রভাতে
মস্তক তুলিতে দাও অনন্ত আকাশে
উদার আলোক মাঝে উন্মুক্ত বাতাসে !

৪৯

অন্ধকার গর্ভে থাকে অন্ধ সরীসৃপ ;—
 আপনার ললাটের রতন-প্রদীপ
 নাহি জানে, নাহি জানে সূর্যালোকলেশ ।
 তেমনি আঁধারে আছে এই অন্ধদেশ
 হে দণ্ডবিধাতা রাজা,—যে দীপ্তরতন
 পরায়ে দিয়েছ ভালে তাহার যতন
 নাহি জানে, নাহি জানে তোমার আলোক !

নিত্য বহে আপনার অস্তিত্বের শোক,
 জনমের গ্লানি ! তব আদর্শ মহান্
 আপনার পরিমাপে করি' থান্ থান্
 রেখেছে ধূলিতে ! প্রভু, হেরিতে তোমায়
 তুলিতে হয় না মাথা উর্দ্ধপানে ছায় !

যে এক তরলী লক্ষ লোকের নির্ভর
 থণ্ড থণ্ড করি' তা'রে তরিবে সাগর ?

৫০

তোমারে শতধা করি' শূদ্র করি' দিয়া
মাটিতে লুটায় যারা তৃপ্ত স্তপ্ত হিয়া
সমস্ত ধন্যগী আজি অবহেলা ভরে
পা রেখেছে তাহাদের মাথার উপরে ।

মনুষ্যত্ব তুচ্ছ করি যারা শারাবেল্লা
 তোমাতে লইয়া শুধু করে পূজাখেলা
 মুগ্ধভাবভোগে,—সেই বৃদ্ধ শিকড়ল
 সমস্ত বিশ্বের আজি খেলার পুত্তল ।
 তোমাতে আপন মাথে করিয়া সমান
 যে থর্কবামনগণ করে অবমান
 কে তাদের দিবে জ্ঞান ? নিজ মঙ্গলস্বরে
 তোমাতেই গ্রাণ দিতে যারা স্পর্কি করে
 কে তাদের দিবে গ্রাণ ? তোমাতেও যারা
 ভাগ করে, কে তাদের দিবে ঐক্যধারা ?

৫১

হে রাজেন্দ্র, তোমা কাছে নত হতে গেলে'
 যে উর্দ্ধে উঠিতে হয়, সেথা বাহু মেলে'
 লহ ডাকি' সুহৃৎগম বহুর কঠিন
 শৈলপথে,—অগ্রসর কর প্রতিদিন
 যে মহান্ পথে তব বরপুত্রগণ
 গিয়াছেন পদে পদে করিয়া অর্জন
 মরণঅধিক দুঃখ !

গুণে অজ্ঞানামী,
 অন্তরে যে রহিয়াছে অনির্বাপ আমি
 হৃদে তার লব আর দিব পরিচয় !
 তারে যেন মান নাহি করে কোন ভয় !
 তারে যেন কোন লোভ না করে চঞ্চল !
 সে যেন জ্ঞানের পথে রহে সমুজ্জল,
 জীবনের কণ্ঠে যেন করে জ্যোতি দান,
 মৃত্যুর বিশ্রাম যেন করে মহীয়ান ।

৫২

দুর্গম পথের প্রান্তে পাছশালা পরে
 যাহারা পড়িয়া ছিল ভাবাবেশ ভরে,
 রসপানে হতজ্ঞান ; যাহারা নিম্নত
 রাখে নাই আপনারে উদ্যত জাগ্রত,—
 মুগ্ধ মূঢ় জানে নাই বিশ্বযাত্রীদলে
 কখন চলিয়া গেছে সূদূর অচলে
 রাজ্যে বিজয়শঙ্খ । শুধু দীর্ঘ বেলা
 তোমারে খেলনা করি' করিয়াছে থেলা ;

কর্ষেণে করেছে পশু নিরর্থ আচারে,
 জ্ঞানেণে করেছে হত শাস্ত্রকারাগারে,
 আপন কক্ষের মাঝে বৃহৎ ভুবন
 করেছে সঙ্কীর্ণ, রুধি' দ্বার বাতায়ন—
 তারা আজ কাঁদিতেছে ! আসিয়াছে নিশা,
 কোথা যাত্রী, কোথা পথ, কোথায় রে দিশা ।

৫৩

তুমি সৰ্ব্বাশ্রয়, এ কি শুধু শূন্যকথা ?

ভয় শুধু তোমা পরে বিশ্বাসহীনতা

হে রাজন্ ! লোকভয় ? কেন লোকভয়

লোকপাল ? চিরদিবসের পরিচয়

কোন্ লোক সাথে ?

রাজভয় কার তরে
 হে রাজেন্দ্র ! তুমি যার বিরাজ অন্তরে
 লভে সে কারার মাঝে ত্রিভুবনময়
 তব ক্রোড়,—স্বাধীন সে বন্দীশালে ! মৃত্যু ভয়
 কি লাগিয়া, হে অমৃত ! ছদিনের প্রাণ
 লুপ্ত হলে তখনি কি ফুরাইবে দান
 এত প্রাণদৈন্ত প্রভু ভাঙারেতে তব !
 সেই অবিস্বাসে প্রাণ আঁকড়িয়া রব ?

কোথা লোক, কোথা রাজা, কোথা ভয় কার !
 তুমি নিত্য আছ, আমি নিত্য সে তোমার !

৫৪

আমারে সৃজন করি' যে মহাসম্মান
 দিয়েছ আপন হস্তে, রহিতে পরাণ
 তার অপমান যেন সহ্য নাহি করি !
 যে আলোক জালায়েছ দিবস-শরীরী
 তার উজ্জ্বলতা যেন সর্ব উচ্চে রাখি,
 অনাদর হতে তারে প্রাণ দিয়া ঢাকি !
 যোর মনুষ্যত্ব সে যে তোমারি প্রতিমা,
 আত্মার মহত্ত্ব মম তোমারি মহিমা

মহেশ্বর! সেথায় যে পদক্ষেপ করে,
 অবমান বৃহি' আনে অবজ্ঞার ভরে
 হোক না সে মহারাজ বিশ্বমহীতলে
 তারে যেন দণ্ড দিই দেবজ্যোহী বলে
 সর্বশক্তি লয়ে মোর! যাক্ আর সব,
 আপন গৌরবে রাখি তোমার গৌরব!

৫৫

তুমি মোরে অর্পিয়াছ যত অধিকার,
 ক্ষুণ্ণ না করিয়া কভু কণামাত্র তার
 সম্পূর্ণ সঁপিয়া দিব তোমার চরণে
 অকুণ্ঠিত রাখি তারে বিপদে মরণে ;
 জীবন সার্থক হবে তবে !

১০

চিরদিন

জ্ঞান যেন থাকে মুক্ত, শৃঙ্খলবিহীন ;—
 ভক্তি যেন ভয়ে নাহি হয় পদানত
 পৃথিবীর কারো কাছে ;—শুভ চেষ্টা যত
 কোন বাধা নাহি মানে কোন শক্তি হতে ;
 আত্মা যেন দিব্যরাত্রি অব্যাহত স্রোতে
 সকল উদ্যম ধয়ে ধায় তোমা পানে
 সর্ব বন্ধ টুটি'! সদা লেখা থাকে প্রাণে
 “তুমি যা দিয়েছ মোরে অধিকার তার
 তাহা কেড়ে নিতে দিলে অমাত্য তোমার !”

৫৬

ত্রাসে লাজে নতশিরে নিত্য নিরবধি
 অপমান অবিচার সহ্য করে যদি
 তবে সেই দীনপ্রাণে তব সত্য হায়
 দণ্ডে দণ্ডে স্নান হয় !—হুর্দ্বল আত্মায়
 তোমারে ধরিতে নায়ে দৃঢ়নিষ্ঠাভরে ;
 ক্ষীণপ্রাণ তোমারেও ক্ষুদ্রক্ষীণ করে
 আপনার মত,—যত আদেশ তোমার
 পড়ে থাকে,—আবেশে দিবস কাটে তার !

পুঞ্জ পুঞ্জ মিথ্যা আসি' গ্রাস করে তারে
 চতুর্দিকে ; মিথ্যা মুখে, মিথ্যা ব্যবহারে,
 মিথ্যা চিন্তে, মিথ্যা তার মস্তক মাড়ায়,
 না পারে তাড়াতে তারে উঠিয়া দাঁড়ায় !

অপমানে নতশির ভয়ে ভীতজন
 মিথ্যারে ছাড়িয়া দেয় তব সিংহাসন !

৫৭

হে সকল ঈশ্বরের পরম ঈশ্বর !
 তপোবন-তরুচ্ছায়ে মেঘমল্লিশ্বর
 বোষণা করিয়াছিল সবার উপরে
 অগ্নিতে, জলেতে, এই বিশ্ব চরাচরে
 বনস্পতি ওষধিতে এক দেবতার
 অখণ্ড অক্ষয় ঐক্য ! সে বাক্য উদার
 এই ভারতেরি !

যারা দবল স্বাধীন
 নির্ভয়, সরলপ্রাণ, বন্ধনবিহীন
 সদর্পে ফিরিয়াছেন বীৰ্য্যজ্যোতিস্মান
 লজ্জিয়া অরণ্য নদী পর্বত-পাষণ
 তাঁরা এক মহান্ বিপুল সত্যপথে
 তোমায়ে লভিয়াছেন নিখিল জগতে !
 কোনখানে না মানিয়া আত্মার নিষেধ
 সবলে সমস্ত বিশ্ব করেছেন ভেদ !*

৫৮

তাঁহারা দেখিয়াছেন—বিশ্ব চরাচর
 ঝরিছে আনন্দ হতে আনন্দ নিৰ্ঝর ;
 অগ্নির প্রত্যেক শিখা ভয়ে তব কাঁপে,
 বায়ুর প্রত্যেক শ্বাস তোমারি প্রতাপে,
 তোমারি আদেশ বহি মৃত্যু দিব্যরাত
 চরাচর মন্দিরিত্ব করে ষাভাষাত ;
 পিরি উঠিয়াছে উর্দ্ধে তোমারি ইঙ্গিতে,
 নদী ধায় দিকে দিকে তোমারি সঙ্গীতে ;
 শূণ্ণে শূণ্ণে চন্দ্রস্বৰ্ণ্যগ্রহতার্না যত
 অনন্ত প্রাণের মাঝে কাঁপিছে নিবৃত্ত !—

তাহারা ছিলেন নিত্য এ বিশ্ব আলয়ে
কেবল তোমারি ভয়ে, তোমারি নির্ভয়ে,
তোমারি শাসনগর্বে দীপ্ততৃপ্তমুখে
বিশ্ব-ভুবনেশ্বরের চক্ষুর সম্মুখে !

৫৯

আমরা কোথায় আছি, কোথায় স্বদূরে
 দোষহীন জীর্ণভিত্তি অবসাদপুরে
 ভগ্নগৃহে ; সহস্রের ক্রকুটর নীচে
 কুজপৃষ্ঠে নতশিরে ; সহস্রের পিছে
 চলিয়াছি প্রভুত্বের তর্জনী সঙ্কেতে
 কটাক্ষে কাঁপিয়া ; লইয়াছি শিরে পেতে
 সহস্রশাসনশাস্ত্র ;

সঙ্কুচিত-কায়া

কাঁপিতেছি রচি' নিজ কল্লনার ছায়া,
 সঙ্ক্যার অঁধারে বসি' নিরানন্দ ঘরে
 দীন আত্মা মরিতেছে শত লক্ষ ডরে!
 পদে পদে ত্রস্তচিত্তে হয়ে লুণ্ঠ্যমান
 ধূলিতলে, তোমায়ে যে করি অপ্রমাণ!
 যে ন মোরা পিতৃহারা ধাই পথে পথে
 অনীষর অরাজক ভয়াৰ্ত্ত জগতে !

৬০

একদা এ ভারতের কোন্ বনতলে
 কে তুমি মহান্ প্রাণ, কি আনন্দবলে
 উচ্চারি' উঠিলে উচ্ছে,—“শোন বিশ্বজন,
 শোন অমৃতের পুত্র যত দেবগণ
 দিব্যধামবাসী, আমি জেনেছি তাঁহারে,
 মহাস্ত পুরুষ যিনি আঁধারের পারে
 জ্যোতির্শর ; তাঁরে জেনে, তাঁর পানে চাহি
 স্বহৃদে লজ্জিতে পার, অন্তপথ নাহি !”

আরবার এ ভারতে কে দিবেগো আনি
 সে মহা আনন্দমন্ত্র, সে উদাত্তবাণী
 সঞ্জীবনী, স্বর্গে মর্ত্যে সেই মৃত্যুঞ্জয়
 পরম ঘোষণা, সেই একান্ত নির্ভয়
 অনন্ত অমৃতবার্তা !

রে মৃত ভারত !

তুধু সেই এক আছে, নাহি অত্র পথ !



৬১

এ মৃত্যু ছেদিতে হবে, এই ভয়জাল,
 এই পুঞ্জপুঞ্জীভূত জড়ের জঞ্জাল,
 মৃত আবর্জনা ! ওরে জাগিতেই হবে
 এ দীপ্ত প্রভাত কালে, এ জাগ্রত ভবে,
 এই কর্মধামে ! দুই নেত্র করি আঁধা
 জ্ঞানে বাধা, কর্মে বাধা, গতিপথে বাধা,
 আচারে বিচারে বাধা করি দিয়া দূর
 ধরিতে হইবে মুক্ত বিহঙ্গের স্বর
 আনন্দে উদাস উচ্চ !

সমস্ত তিমির

ভেদ করি' দেখিতে হইবে উর্জশির
এক পূর্ণ জ্যোতির্শরে অনন্ত ভুবনে !

ঘোষণা করিতে হবে অসংশয় মনে—

“ভগো দিব্যধামবাসী দেবগণ যত

মোরা অমৃতের পুত্র তোমাদের মত !”



৬২

তব চরণের আশা, ওগো মহারাজ,
ছাড়ি নাই! এত যে হীনতা, এত লাজ,
তবু ছাড়ি নাই আশা! তোমার বিধান
কেমনে কি ইচ্ছাজাল করে যে নির্মাণ
সঙ্গোপনে সবার নয়ন-অন্তরালে
কেহ নাহি জানে। তোমার নির্দিষ্ট কালে
মুহূর্ত্তেই অসম্ভব আসে কোথা হতে
আপনারে ব্যক্ত করি' আপন আলোতে
চির-প্রতীক্ষিত চিরসম্ভবের বেশে!

আছ তুমি অন্তর্যামী এ লজ্জিত দেশে,
সবার অন্তরাত্মসারে হৃদয়ে হৃদয়ে
গৃহে গৃহে রাত্রিদিন জাগরুক হয়ে
তোমার নিগূঢ় শক্তি করিতেছে কাজ !

আমি ছাড়ি নাই আশা, ওগো মহারাজ !

৬৩

পতিত ভারতে তুমি কোন্ জাগরণে
 জাগাইবে, হে মহেশ, কোন্ মহাক্ষণে,
 সে মোর কল্পনাগীত । কি তাহার কাজ,
 কি তাহার শক্তি, দেব, কি তাহার সাজ,
 কোন্ পথ তার পথ, কোন্ মহিমায়
 দাঁড়াবে সে সম্পদের শিখর-সীমায়
 তোমার মহিমাভ্যোতি করিতে প্রকাশ
 নবীন প্রভাতে ?

আজি নিশার আকাশ
যে আদর্শে রচিয়াছে আলোকের মালা,
সাজিয়েছে আপনার অঙ্ককার থালা
ধরিয়াছে ধরিত্রীর মাথার উপর
সে আদর্শ প্রভাতের নহে, মহেশ্বর !
জাগিয়া উঠিবে প্রাচী যে অরণ্যলোকে
সে কিরণ নাই আজি নিশীথের চোখে !

৬৪

শতাব্দীর স্বর্ণ আঞ্জি রক্তমেঘ মাঝে
 অস্ত গেল,—হিংসার উৎসবে আঞ্জি বাজে
 অস্ত্রে অস্ত্রে মরণের উন্মাদ রাগিণী .
 ভয়ঙ্করী ! দয়াহীন সভ্যতা নাগিনী
 তুলেছে কুটিল কণা চক্ষের নিমিষে,
 গুপ্ত বিষদস্ত তার ভরি' তীর বিধে ।

স্বার্থে স্বার্থে বেধেছে সংঘাত,—লোভে লোভে
 ঘটেছে সংগ্রাম ;—প্রলয়-মহন-কোভে
 ভ্রমবেশী বর্ষরতা উঠিয়াছে আগি'
 পঙ্কশয্যা হতে । লজ্জা সরম তেয়াগি'
 জাতিপ্রেম নাম ধরি' প্রচণ্ড অস্ত্রায়
 ধর্ম্মেরে ভাসাতে চাহে বলের বস্ত্রায় ।
 কবিদল চীৎকারিছে আগাইয়া ভীতি
 অশান কুকুরদের কাড়াকাড়ি-গীতি ।

৬৫

স্বার্থের সমাপ্তি অপঘাতে । অকস্মাৎ
 পরিপূর্ণ ক্ষতি নাকি দারুণ আঘাত
 বিদীর্ণ বিকীর্ণ করি চূর্ণ করে তারে
 কাল-ঝঞ্ঝাবদ্ধারিত হৃৎযোগ-আঁধারে ।
 এবে স্পর্ধারে কত নাহি দেয় স্থান
 দীর্ঘকাল নিখিলের বিরীচি বিধান ।

স্বার্থ যত পূর্ণ হয় লোভ কুধানল
 তত তার বেড়ে ওঠে,—বিশ্ব ধরাতল
 আপনার খাদ্য বলি' না করি' বিচার
 জঠরে পূরিতে চায়!—বীভৎস আহার
 বীভৎস কুধারে করে নির্দয় নিলাজ।
 তখন গর্জিয়া নামে তব রুদ্র বাজ।

ছুটিয়াছে জাতিপ্রেম মৃত্যুর সন্ধানে
 বাহি' স্বার্থভরী, গুপ্ত পর্কভের পানে।

৬৬

এই পশ্চিমের কোণে রক্তরাগরেখা
 নহে কভু সৌম্যরশ্মি অরণের লেখা
 তব নব প্রভাতের ! এ শুধু দারুণ
 সন্ধ্যার প্রলয় দীপ্তি । চিতার আগুন
 পশ্চিম সমুদ্র তটে করিছে উদ্গার
 বিক্ষুব্ধ—স্বার্থদীপ্ত লুপ্ত সভ্যতার
 মশাল হইতে লগ্নে শেষ অগ্নিকণা ।

এই আশানের মাঝে শক্তির সাধনা
 তব আরাধনা নহে, হে বিশ্বপালক !
 তোমার নিখিলপ্রাবী আনন্দ-আলোক
 হয়ত লুকায়ে আছে পূর্ব সিদ্ধতীরে
 বহু ধৈর্য্যে নত্ন স্বরূপে তুমি
 সর্বরিক্ত অশ্রুসিক্ত দৈত্যের দীক্ষার
 দীর্ঘকাল—ব্রহ্মবৃক্ষের প্রতীক্ষার !

৬৭

যে পরম পরিপূর্ণ প্রভাতের লাগি'
 হে ভারত, সর্বদুঃখে বহু তুমি জাগি'
 সরল নির্মল চিত্ত; সকল বন্ধনে
 আঘারে স্বাধীন রাখি',—পুষ্প ও চন্দনে
 আপনার অন্তরের মাহাত্ম্যমন্দির
 সজ্জিত সুগন্ধি করি', দুঃখনগ্নশির
 তাঁর পদতলে নিত্য রাখিয়া নীরবে!

তাঁহ'তে বঞ্চিত করে তোমায়ে এ ভবে
 এমন কেহই নাই—সেই গর্ভভরে
 সর্ব্ব ভয়ে থাক তুমি নির্ভয় অন্তরে
 তাঁর হস্ত হতে লয়ে অকল্প সম্মান !
 ধরায় হোকনা তব যত নিম্ন স্থান
 তাঁর পাদপীঠ কর সে আসন তব
 যার পাদরেণুকণা এ নিখিল ভব ।

৬৮

সে উদার প্রত্যাষের প্রথম অঙ্গ
যখনি মেলিবে নেত্র—প্রশান্ত করুণ—
শুভ্রশির অভভেদী উদয়শিখরে,
হে দুঃখী জাগ্রত দেশ, তব কণ্ঠস্থরে
প্রথম সঙ্গীত তার যেন উঠে বাজি'
প্রথম ঘোষণা ধ্বনি !

ভুমি থেকে সাজি’

চন্দনচর্চিত স্বাস্থ্য নিশ্চল ব্রাহ্মণ,—
 উচ্চশির উর্দ্ধে তুলি’ গাহিয়ে বন্দন—
 “এস শান্তি, বিধাতার কন্ডা ললাটিকা,
 নিশাচর পিশাচের রক্তদীপশিখা
 করিয়া লজ্জিত ! তব বিশাল সম্ভ্রাম
 বিশ্বলোক-ঈশ্বরের রত্নরাজকোষ !
 তব ধৈর্য্য দৈববীৰ্য্য ! নত্বতা তোমার
 সমুচ্চ মুকুটশ্রেষ্ঠ, তাঁরি পুরস্কার !”

৬৯

তঁারি হস্ত হতে নিয়ো তব দুঃখভার,
হে দুঃখী, হে দীনহীন ! দীনতা তোমার
ধরিবে ঐশ্বর্য্যদীপ্তি, যদি নত রহে
তঁারি দ্বারে ! আর কেহ নহে নহে নহে
তিনি ছাড়া আর কেহ নাই ত্রিসংসারে
যার কাছে তব শির লুটাইতে পারে।

পিতৃরূপে রয়েছেন তিনি, - পিতৃমাঝে
 নমি তাঁরে ! তাঁহারি দক্ষিণ হস্ত রাজে
 ত্রায়দণ্ড পরে, নতশিরে লই তুলি
 তাহার শাসন ; তাঁরি চরণ অঙ্গুলি
 আছে মহত্ত্বের পরে, মহতের দ্বারে
 আপনারে নম্র করে' পূজা করি তাঁরে ।
 তাঁরি হস্তস্পর্শরূপে করি' অনুভব
 মস্তকে তুলিয়া লই দুঃখের গোরব !

৭০

তোমার ঠায়ের দণ্ড প্রত্যেকের করে
অর্পণ করেছ নিজে ! প্রত্যেকের পরে
দিয়েছ শাসনভার, হে রাজাধিরাজ !
সে গুরু সম্মান তব সে ছরুহ কাজ
নমিয়া তোমাতে যেন শিরোধার্য করি
দবিনয়ে ! তব কার্যে যেন নাহি ভরি
কছু কারে !

কমা যেথা কীণ দুর্বলতা,
 হে রক্ত, নিষ্ঠুর যেন হতে পারি তথা
 তোমার আদেশে ! যেন রসনার মম
 সত্যবাক্য বলি' উঠে খরখড়া সম
 তোমার ইঙ্গিতে ! যেন রাধি তব মান
 তোমার বিচারাসনে লয়ে নিজ স্থান !
 অস্তায় যে করে, আর, অস্তায় যে সচে,
 তব যুগা যেন তারে ভুগ সম দহে ।

৭১

ওরে মৌনমূক কেন আছিহ্ন নীরবে
 অস্তুর করিয়া রুদ্ধ ? এ মুখর ভবে
 তোর কোন কথা নাই, রে আনন্দহীন ?
 কোন সত্য পড়ে নাই চোখে ? ওরে দীন
 কণ্ঠে নাই কোন সঙ্গীতের নব তান ?

তোর গৃহপ্রাপ্ত চুৰি' সমুদ্র মহান
 গাহিছে অনন্ত গাথা,—পশ্চিমে পূরবে
 কত নদী নিরবধি ধায় কলরবে
 তরল সঙ্গীতধারা হয়ে মূর্তিমতী !
 শুধু তুমি দেখ নাই সে প্রত্যক্ষ জ্যোতি
 যাহা সত্যে যাহা গীতে আনন্দে আশায়
 ফুটে উঠে নব নব বিচিত্র ভাষায় !
 তব সত্য তব গান রুদ্ধ হয়ে রাজে
 রাত্রিদিন জীর্ণশাস্ত্রে শুষ্কপত্রমাঝে !

৭২

চিত্ত যেথা ভয়শূন্য, উচ্চ যেথা শির,
জ্ঞান যেথা মুক্ত, যেথা গৃহের প্রাচীর
আপন প্রাঙ্গণতলে দিবসশরীরী
বস্ত্রধারে রাখে নাই খণ্ড ক্ষুদ্র করি',
যেথা বাক্য হৃদয়ের উৎসমুখ হতে
উচ্ছৃসিয়া উঠে, যেথা নির্বারিত শ্রোতে
দেশে দেশে দিশে দিশে কর্মধারা ধায়
অজস্র সহস্রবিধ চরিতার্থতায় ;

যেথা তুচ্ছ আচারের মরুভূমিরাশি
 বিচারের স্রোতঃপথ ফেলে নাই গ্রাসি',
 পৌরুষে করেনি শতধা ; নিত্য যেথা
 তুমি সৰ্ব্ব কৰ্ম চিন্তা আনন্দের নেতা,—
 নিজ হস্তে নির্দয় আঘাত করি' পিতঃ
 ভারতেরে সেই স্বর্গে কর জাগরিত !

৭৩

আমি ভালবাসি দেব এই বাঙ্গালার
 দিগন্তপ্রসার ক্ষেত্রে যে শান্তি উদার
 বিরাজ করিছে নিত্য,—মুক্ত নীলাশ্বরে
 অচ্ছায় আলোক গাহে বৈরাগ্যের হরে
 যে ভৈরবীগান, যে মাধুরী একাকিনী
 নদীর নিৰ্জ্জন তটে বাজায় কিঙ্কিণী
 তরল কল্লোলরোলে, যে সরল স্নেহ
 তরুচ্ছায়ামাথে মিশি নিষ্কপল্লীগেহ
 অঞ্চলে আবরি আছে, যে মোর ভবন
 আকাশে বাতাসে আর আলোকে মগন
 সন্তোষে কল্যাণে প্রেমে ;—কর আশীর্বাদ

১৩

যখন তোমার দূত আনিবে সংবাদ
তখন তোমার কার্যে আনন্দিত মনে
সব ছাড়ি যেতে পারি হৃৎথে ও মরণে !

৭৪

এ নদীর কলধ্বনি যেথায় বাজে না
 মাতৃকলকণ্ঠসম ; যেথায় সাজে না
 কোমলা উর্ধ্বরা ভূমি নব নবোৎসবে
 নবীন বরণ বস্ত্রে যৌবন-গৌরবে
 বসন্তে শরতে বরষায় ; রুদ্ধাকাশ
 দিবস রাত্রিরে যেথা করে না প্রকাশ
 পূর্ণপ্রস্ফুটিতরূপে ; যেথা মাতৃভাষা
 চিত্ত-অন্তঃপুরে নাহি করে যাওয়া-আসা
 কল্যাণী হৃদয়লক্ষ্মী ; যেথা নিশিদিন
 কলনা ফিরিয়া আসে পরিচয় হীন
 পরগৃহদ্বার হ'তে পথের মাঝারে,—

সেখানেও যাই যদি, মন যেন পারে
সহজে টানিয়া নিতে অন্তহীন স্রোতে
তব সদানন্দধারা সর্বটাই হতে ।

৭৫

আমার সকল অঙ্গে তোমার পরশ
 লগ্ন হয়ে রহিয়াছে রজনী দিবস
 প্রাণেশ্বর, এই কথা নিত্য মনে আনি
 রাখিব পবিত্র করি মোর তনুখানি ।
 মনে তুমি বিবাজিছ, হে পরম জ্ঞান,
 এই কথা সদা স্মরি' মোর সৰ্ব্বেশ্বর
 সৰ্ব্বেশ্বর হতে আমি সৰ্ব্বেশ্বর করি
 সৰ্ব্বেশ্বর রাখি দিব দূরে পরিহারি !

হৃদয়ে রয়েছে তব অচল আসন
 এই কথা মনে রেখে করিব শাসন
 সকল কুটিল দেব, সর্ব অমঙ্গল,—
 প্রেমেরে রাখিব করি প্রস্তুট নিশ্চল !
 সর্বকর্মে তব শক্তি এই জেনে সার
 করিব সকল কর্মে তোমাতে প্রচার !

৭৬

অচিন্ত্য এ ব্রহ্মাণ্ডের লোক লোকাঙ্করে
 অনন্ত শাসন যার চিরকালতরে
 প্রত্যেক অণুর মাঝে হতেছে প্রকাশ ;
 যুগে যুগে মানবের মহা ইতিহাস
 বহিয়া চলেছে সদা ধরণীর পর
 যার তর্জনির ছায়া, সেই মহেশ্বর
 আমার চৈতন্যমাঝে প্রত্যেক পলকে
 করিছেন অধিষ্ঠান ;—তীহারি আলোকে
 চক্ষু মোর দৃষ্টিদীপ্ত, তীহারি পরশে
 অঙ্গ মোর স্পর্শময় প্রাণের হরষে ;

যেথা চলি যেথা রহি যেথা বাস করি
প্রত্যেক নিশ্বাসে মোর এই কথা স্মরি
আপন মস্তকপরে সর্বদা সর্বথা
বহিব তাঁহার গর্ব, নিজের নম্রতা !

৭৭

না গনি মনের ক্ষতি ধনের ক্ষতিতে
 ছে বরণ্য, এইবর দেহ মোর চিতে !
 যে ঐশ্বর্য্যে পরিপূর্ণ তোমার ভুবন
 এই তৃণভূমি হ'তে অদূর গগন
 যে আলোকে যে সজ্জীতে যে সৌন্দর্য্য ধনে,
 তার মূল্য নিত্য যেন থাকে মোর মনে
 স্বাধীন সবল শান্ত সরল সন্তোষ !

অদৃষ্টেরে কভু যেন নাহি দিই দোষ
 কোন হুঃখ কোন ক্ষতি অভাবের তরে !
 বিশ্বাস না জন্মে যেন বিশ্বচরাচরে
 ক্ষুদ্রখণ্ড হারাইয়া ! ধনীর সমাজে
 স্থান যদি নাহি হয়, জগতের মাঝে
 আমার আসন যেন রহে সর্ব ঠাই !
 হে দেব একান্ত চিন্তে এই বর চাই !

৭৮

এ কথা স্মরণে রাখা কেন গো কঠিন
 তুমি আছ সব চেয়ে, আছ নিশিদিন,
 আছ প্রতিফল্গে,—আছ দূরে, আছ কাছে
 বাহা কিছু আছে, তুমি আছ বলে আছে ?
 যেমনি প্রবেশ আমি করি লোকালয়ে,
 যেমনি মানুষ আসে স্তুতিনিন্দা ল'য়ে
 ল'য়ে রাগ, ল'য়ে ঘেব, ল'য়ে গর্ক তার,
 অমনি সংস্রব ধরে পর্বত আকার

আবরিয়া উজ্জলোক,—তরঙ্গিয়া উঠে
 লাজভয়লোভক্ষোভ ; নরের মুকুটে
 যে হীরক জলে তারি আলোক-ঝলকে
 অগ্র আলো নাহি হেরি ছালোকে ভুলোকে!
 মানুষ সম্মুখে এলে কেন সেইক্ষণে
 ত্রোমার সম্মুখে আছি নাহি পড়ে মনে ?

৭৯

তোমায়ে বলেছে যারা পুত্র হতে প্রিয়,
বিন্দু হতে প্রিয়তর, যা কিছু আত্মীয়
সব হতে প্রিয়তম নিখিল ভুবনে,
আত্মার অন্তরতর,—ঊর্দ্বার চরণে
পাতিয়া রাখিতে চাহি হৃদয় আমার !

সে সরল শাস্ত্র প্রেম গভীর উদার,—
 সে নিশ্চিত নিঃসংশয়, সেই স্মৃতিবিড়
 সহজ মিলনাবেগ, সেই চিরস্থির
 আশ্রয় একাগ্র লক্ষ্য, সেই সৰ্ব্ব কাজে
 সহজেই সঞ্চরণ সদা তোমা মাঝে
 গভীর প্রশান্ত চিন্তে, হে অন্তরবাসী,
 কেমনে করিব লাভ ? পদে পদে আশি
 প্রেমের প্রবাহ তব সহজ বিশ্বাসে
 অন্তরে টানিয়া লব নিঃশ্বাসে নিঃশ্বাসে!

৮০

হে অনন্ত, যেথা তুমি ধারণা অতীত,
 সেথা হতে আনন্দের অব্যক্ত সঙ্গীত
 ঝরিয়া পড়িছে নামি,—অদৃশ্য অগম
 হিমাদ্রিশিখর হতে জাহ্নবীর সম ।

সে ধানাজ্জভেদী শৃঙ্গ, যেথা স্বর্ণলেখা
 জগতের প্রাতঃকাল দিয়েছিল দেখা
 আদি অঙ্ককার মাঝে,—যেথা রক্তচ্ছবি
 অস্ত বাবে জগতের শ্রান্ত সঙ্ক্যারবি ;
 নব নব ভুবনের জ্যোতির্বাঙ্গরাশি
 পুঞ্জ পুঞ্জ নৌহারিকা যার বক্ষে আসি
 ফিরিছে স্বজনবেগে মেঘখণ্ড সম
 যুগে যুগান্তরে—চিন্তাবাতায়ন মম
 সে অগম্য অচিন্ত্যের পানে রাত্রি দিন
 রাখিব উন্মুক্ত করি, হে অন্তবিহীন !

৮১

একাধারে তুমিই আকাশ, তুমি নীড় ।
 হে স্নন্দর, নীড়ে তব প্রেম স্ননিবিড়
 প্রতিক্রমে নানা বর্ণে নানা গন্ধে গীতে
 মুগ্ধ প্রাণ বেষ্টন করেছে চারি ভিতে ।
 সেথা উষা ডান হাতে ধরি' স্বর্ণ থালা
 নিয়ে আসে একখানি মাধুর্যের মালা
 নীরবে পরায়ে দিতে ধরার ললাটে ;
 মল্লিকা আসে নব্রমুখে ধেনুশূত্র মাঠে
 চিহ্নহীন পথ দিয়ে লয়ে স্বর্ণঝারি
 পশ্চিম সমুদ্র হতে ভরি' শান্তিবারি ।

তুমি যেথা আমাদের আত্মার আকাশ
 অপার সঞ্চার ক্ষেত্র,—সেথা শুভ্র ভাস ;
 দিন নাই, রাত্রি নাই, নাই জনপ্রাণী,
 বর্ণ নাই গন্ধ নাই—নাই নাই বাণী !

৮২

তব পোমে ধন্ত তুমি করেছ আমারে
 প্রিয়তম ! তব শুধু মাধুর্য্য মাঝারে
 চাহি না নিমগ্ন করে রাখিতে হৃদয় !
 আপনি যেথায় ধরা দিলে, স্নেহময়,
 বিচিত্র সৌন্দর্য্যডোরে, কত স্নেহে প্রেমে
 কত রূপে—সেথা আমি রহিব না থেমে
 তোমার প্রণয়-অভিमानে ! চিত্তে মোর
 জড়ায়ে বাঁধিবনাক সন্তোষের ডোর !

আমার অতীত তুমি যেথা, সেইখানে
 অন্তরাগ্না ধায় নিত্য অনন্তের টানে
 সকল বন্ধন মাঝে,—সেথায় উদার
 অন্তহীন শান্তি আর মুক্তির বিস্তার !

তোমার মাধুর্য্য ঘেন বেঁধে নাহি রাখে,
 তব ঐশ্বর্য্যের পানে টানে সে আমাকে !

৮৩

হে দূর হইতে দূর, হে নিকটতম !
 যেথায় নিকটে তুমি সেথা তুমি মম,
 যেথায় সূদূরে তুমি সেথা আমি তব !
 কাছে তুমি নানা ভাবে নিত্য নব নব
 স্নেহে হৃৎথে জনমে মরণে ; তব গান
 জলস্থল শূন্য হতে করিছে আহ্বান
 মোরে সর্ব কৰ্ম মাঝে,—বাজে গুড়স্বরে
 প্রহরে প্রহরে চিত্ত-কুহরে কুহরে
 তোমার মঙ্গল-মন্ত্র ।

যেথা দূর তুমি
সেথা আত্মা হারাইয়া সর্ব তটভূমি
তোমার নিঃসীমা মাঝে পূর্ণানন্দ ভরে
আপনারে নিঃশেষিয়া সমর্পণ করে ।
কাছে তুমি কল্পতট আত্মা তটিনীর,
দূরে তুমি শান্তিসিদ্ধ অনন্ত গভীর !

৮৪

মুক্ত কর, মুক্ত কর নিন্দা প্রশংসার
 হৃদয়স্থ শৃঙ্খল হতে । সে কঠিন ভার
 যদি খসে যায় তবে মাংসের মাঝে
 সহজে ফিরিব আমি সংসারের কাজে,—
 তোমারি আদেশ শুধু জয়ী হবে, নাথ !
 তোমার চরণপ্রান্তে করি' প্রণিপাত
 তব দণ্ড পুরস্কার অন্তরে গোপনে
 লইব নীরবে তুলি',—নিঃশব্দ গমনে

চলে যাব কৰ্মক্ষেত্র মাঝখান দিয়া
 বহিয়া অসংখ্য কাজে একনিষ্ঠ হিয়া,
 সঁপিয়া অব্যর্থ গতি সহস্র চেষ্টায়
 এক নিত্য ভক্তিবলে ; নদী যথা ধায়
 লক্ষ লোকালয় মাঝে নানা কৰ্ম সারি'
 সমুদ্রের পানে লয়ে বহুহীন বারি ।

৮১

হৃদ্বিন ঘনায়ে এল ঘন অন্ধকারে,
 হে প্রাণেশ ! দিগ্বিদিক্ বৃষ্টিবারিধাত্রে
 ভেসে যায়, কুটিল কটাক্ষে হেসে যায়
 নিষ্ঠুর বিদ্যাংশিখা,—উতরোল বায়
 তুলিল উতলা করি' অরণ্য কানন !

আজি তুমি ডাক অভিসারে, হে মোহন,
 হে জীবনস্বামী ! অশ্রুসিক্ত বিশ্বমাঝে
 কোন ছুঁথে, কোন ভয়ে, কোন বৃথা কাজে
 রহিব না রুদ্ধ হয়ে ! এ দীপ আমার
 পিচ্ছিল তিমির পথে যেন বারম্বার
 নিবে নাহি যায়—যেন আদ্র সমীরণে
 তোমার আহ্বান বাজে ! ছুঁথের বেষ্টনে
 হৃদ্বিন রচিল আজি নিবিড় নিৰ্জন,
 অহোক আজি তোমা সাথে একান্ত মিলন !

৮৬

দীর্ঘকাল অনাবৃষ্টি, অতি দীর্ঘকাল
 হে ইন্দ্র, হৃদয়ে মম ! দিক্-চক্রবাল
 ভয়ঙ্কর শূণ্য হেরি, নাই কোন থানে
 সরস সজল রেখা,—কেহ নাই আনে
 নব-বারি-বর্ষণের শ্রামল সংবাদ !

যদি ইচ্ছা হয়, দেব, আন বজ্রনাদ
 প্রলয়-মুখর হিংস্র ঝটিকার সাথে !
 পলে পলে বিড়্যাতের বক্র কষাঘাতে
 সচকিত কর মোর দিক্ দিগন্তর !
 সংহর সংহর, প্রভো, নিস্তক প্রথর
 এই রুদ্র, এই ব্যাপ্ত, এ নিঃশব্দ দাহ,
 নিঃসহ নৈরাশ্র তাপ ! চাহ নাথ চাহ
 জননী যেমন চাহে সজল নয়ানে,
 পিতার ক্রোধের দিনে, সন্তানের পানে !

৮৭

আমার এ মানসের কানন কাঙাল
 গীর্ণ গুরু বাহু মেলি' বহু দীর্ঘকাল
 আছে ক্রুদ্ধ উর্দ্ধ পানে চাহি' ! ওহে নাথ,
 এ রুদ্র মধ্যাহ্ন মাঝে কবে অকস্মাৎ
 পথিক পবন কোন্ দূর হতে এসে
 ব্যগ্র শাখা প্রশাখায় চক্ষের নিমেষে
 কানে কানে রটাইবে আনন্দমন্ডর,
 প্রতীক্ষার পুলকিয়া বন বনাস্তর !

গম্ভীর মাঠেঃ মন্ত্র কোথা হতে বহে'
 তোমার প্রসাদপূজ ঘন সমারোহে
 ফেলিবে আচ্ছন্ন করি' নিবিড়চ্ছায়ায় !
 তার পরে বিপুল বর্ষণ ! তার পরে
 পরদিন প্রভাতের সৌম্য রবিকরে
 রিক্ত মালঞ্চের মাঝে পূজা-পুষ্পরাশি
 নাহি জানি কোথা হতে উঠিবে বিকাশি' !

৮৮

এ কথা মামিব আমি এক হতে হুই
 কেমনে যে হতে পারে জানি না কিছুই !
 কেমনে যে কিছু হয়, কেহ হয় কেহ,
 কিছু থাকে কোনরূপে, কারে বলে দেহ,
 কারে বলে আত্মা মন, বুঝিতে না পেরে'
 চিরকাল নিরখিব বিশ্ব জগতেরে
 নিস্তব্ধ নির্বাক্ চিত্তে !

বাহিরে যাহার
 কিছুতে নারিব যেতে আদি অন্ত তার.
 অর্থ তার তত্ত্ব তার বুঝিব কেমনে
 নিমেষের তরে ? এই শুধু জানি মনে
 সুন্দর সে, মহান্ সে, মহা ভয়ঙ্কর,
 বিচিত্র সে, অজ্ঞেয় সে, মম মনোহর !
 ইহা জানি, কিছুই না জানিয়া অজ্ঞাতে
 নিখিলের চিত্তশ্রোত ধাইছে তোমাতে !

৮৯

জীবনের সিংহদ্বারে পশিলু যে ক্ষণে
 এ আশ্চর্য্য সংসারের মহা নিকেতনে,
 সে ক্ষণ অজ্ঞাত মোর। কোন্ শক্তি মোরে
 ফুটাইল এ বিপুল রহস্যের ক্রোড়ে
 অন্ধরাব্রে মহারণ্যে মুকুলর মত ?

তবু ত প্রভাতে শির করিয়া উন্নত
 যখনি নয়ন মেলি' নিরখিছু ধরা
 কনককিরণ-গাঁথা নীলাশ্বর-পরা,
 নিরখিছু স্নেহে দুঃখে খচিত সংসার,
 তখনি অজ্ঞাত এই রহস্ত অপার
 নিমেষেই মনে হল মাতৃবক্ষসম
 নিতাস্তই পরিচিত একান্তই মম !

রূপহীন জ্ঞানাতীত ভীষণ শক্তি
 ধরেছে আমার কাছে জননী মূর্তি !

৯০

মৃত্যুও অজ্ঞাত মোর ! আজি তার তরে
 ক্ষণে ক্ষণে শিহরিয়া কাঁপিতেছি ডরে !
 সংসারে বিদায় দিতে আঁখি ছলছলি'
 জীবন আঁকড়ি' ধরি আপনার বলি'
 দুই ভুজ !

ওরে মূঢ়, জীবন সংসার
 কে করিয়া রেখেছিল এত আপনার
 জনম-মুহূর্ত্ত হতে তোমার অজ্ঞাতে,
 তোমার ইচ্ছার পূর্বে ? মৃত্যুর প্রভাতে
 সেই অচেনার মুখ হেরিবি আবার
 মুহূর্ত্তে চেনার মত ! জীবন আমার
 এত ভালবাসি বলে হয়েছে প্রত্যয়
 মৃত্যুরে এমনি ভালবাসিব নিশ্চয় !
 স্তন হতে তুলে নিলে কাঁদে শিশু ডরে,
 মুহূর্ত্তে আশ্বাস পায় গিয়ে স্তনান্তরে !

নৈবেদ্য ।

১১

৯১

বাসনারে থরস করি' দাও, হে প্রাণেশ !
সে শুধু সংগ্রাম করে লয়ে এক লেশ
বৃহত্তের সাথে ! পণ রাখিয়া নিখিল
জিনিয়া নিতে সে চাহে শুধু একতিল !
বাসনার ক্ষুদ্র রাজ্য করি একাকার
দাও মোরে সন্তোষের মহা অধিকার !

১৬

অধাচিত যে সম্পদ অজস্র আকারে
 উষার আলোক হতে নিশার আঁধারে
 জলে স্থলে রচিয়াছে অনন্ত বিভব—
 সেই সর্বলভ্য সুখ অমূল্য দুর্লভ
 সব চেয়ে ! সে মহা সহজ সুখখানি
 পূর্ণ শতদল সম কে দিবে গো আনি'
 জল স্থল আকাশের মাঝখান হতে,
 ভাসাইয়া আপনারে সহজের স্রোতে !

৯২

শক্তি-দম্ভ স্বার্থলোভ মারীর মতন
 দেখিতে দেখিতে আজি ঘিরিছে ভুবন !
 দেশ হতে দেশান্তরে স্পর্শবিষ তার
 শাস্তিময়-পল্লী যত করে ছারখার !
 যে প্রশান্ত সরলতা জানে সমুজ্জল,
 যেহে যাহা রসসিক্ত, সন্তোষে শীতল,
 ছিল তাহা ভারতের তপোবনতলে ;

বস্তুভারহীন মন সর্ব জলেস্থলে
 পরিব্যাপ্ত করি' দিত উদার কল্যাণ,
 জড়ে জীব সর্বভূতে অব্যাহত ধান
 পশিত আত্মীয়রূপে ! আজি তাহা নাশি
 চিত্ত যেথা ছিল সেথা এল দ্রব্যরাশি,
 তৃপ্তি যেথা ছিল সেথা এল আভঙ্গব,
 শাস্তি যেথা ছিল সেথা স্বার্থের সমর ।

৯৩

কোরো না কোরো না লজ্জা, হে ভারতবাসি,
 শক্তিমদমত্ত ওই বণিক্‌বিলাসী
 ধনদৃপ্ত পশ্চিমের কটাক্ষসম্মুখে
 শুভ্র উত্তরীয় পরি' শাস্ত সোমামুখে
 মরল জীবনখানি করিতে বহন !

গুনো না কি বলে তারা, তব শ্রেষ্ঠ ধন
 থাকুক হৃদয়ে তব, থাক্ তাহ ঘরে,
 থাক্ তাহা স্নেহপ্রসন্ন ললাটের পরে
 অদৃশ মুকুট তব ! দেখিতে যা' বড়,
 চক্ষে যাহা স্তূপাকার হইয়াছে জড়,
 তারি কাছে অভিভূত হয়ে বারে বারে
 লুটায়ো না আপনায় ! স্বাধীন আত্মারে
 দারিদ্র্যের সিংহাসনে কর প্রতিষ্ঠিত,
 রিক্ততার অবকাশে পূর্ণ করি' চিত ।

হে ভারত, নৃপতিরে শিখায়েছ তুমি
 ত্যজিতে মুকুট, দণ্ড, সিংহাসন, ভূমি,
 ধরিতে দরিদ্রবেশ ; শিখায়েছ বীরে
 ধর্মযুদ্ধে পদে পদে ক্ষমিতে অরিরে,
 ভূলি জয় পরাজয় শয় সংহরিতে ।
 কর্ম্মারে শিখালে তুমি যোগযুক্ত চিতে
 সর্বফলস্পৃহা ত্রক্ষে দিতে উপহার !
 গৃহীরে শিখালে গৃহ করিতে বিস্তার
 প্রতিবেশী আশ্রবদ্ধ অতিথি অনাথে

ভোগেতে বেঁধেছ তুমি সংসারের সাথে,
 নির্মল বৈরাগ্যে দৈত্য করেছ উজ্জল,
 সম্পদেরে পুণ্যকর্মে করেছ মঙ্গল,
 শিখিয়েছ স্বার্থ ত্যজি' সর্ব হুঃখে সুখে
 সংসার রাথিতে নিত্য ব্রহ্মের সম্মুখে !

৯৫

হে ভারত, তব শিক্ষা দিয়েছে যে ধন,
বাহিরে তাহার অতি স্বল্প আয়োজন,
দেখিতে দীনের মত, অন্তরে বিস্তার
তাহার ঐশ্বর্য্য যত !

আজি সভ্যতার

অস্ত্রহীন আড়ম্বরে, উচ্চ আশ্বাসনে,
 দরিদ্র-রুধির-পুষ্ট বিলাস-লালনে,
 অগণ্য চক্রের গর্জে মুখর ঘর্ষর
 লোহবাহু দানবের ভীষণ বর্ষর
 রুদ্ররক্ত-অগ্নিদীপ্ত পরম স্পর্ধায়
 নিঃসঙ্কোচে শাস্ত্রচিন্তে কে ধরিবে, হায়,
 নীরব-গৌরব সেই সৌম্য দীনবেশ
 সুবিরল—নাহি ধাহে চিন্তাচেষ্টালেশ !
 কে রাখিবে ভরি' নিজ অস্তর-আগার
 আত্মার সম্পদরাশি মঙ্গল উদার !

৯৬

অস্তরের সে সম্পদ ফেলেছি হারারে ।
 তাই মোরা লজ্জানত ; তাই সর্ব গায়ে
 ক্লান্ত হুঁতর দৈন্য করিছে দংশন ;
 তাই আজি ব্রাহ্মণের বিরল বসন
 সম্মান বহে না আর ; নাহি ধ্যানবল
 শুধু জপমাত্র আছে ; শুচিহ কেবল,
 চিন্তহীন অর্থহীন অভ্যস্ত আচার ;

সন্তোষের অন্তরেতে বীৰ্য্য নাহি আর,
 কেবল জড়ত্বপূজ ;—ধৰ্ম্ম প্রাণহীন
 ভারসম চেপে আছে আড়ষ্ট কঠিন !
 তাই আজি দলে দলে চাই ছুটিবারে
 পশ্চিমের পরিত্যক্ত বস্ত্র লুটিবারে
 লুকাতে প্রাচীন দৈন্ত ! বৃথা চেষ্টা, তাই,
 সব সজ্জা লজ্জাভরা, চিত্ত যেথা নাই !

৯৭

শক্তি মোর অতি অল্প, হে দীনবৎসল,
আশা মোর অল্প নহে ! তব জলস্থল
তব জীবলোক মাঝে যেথা আমি যাই
যেথায় দাঁড়াই আমি সৰ্ব্বত্রই চাই
আমার আপন স্থান ! দানপত্রে তব
তোনার নিখিলখানি আমি লিখি লব !

আপনারে নিশিদিন আপনি বহিয়া
 প্রতিক্ষণে ক্লান্ত আমি ! শ্রান্ত সেই হিয়া
 তোমার সবার মাঝে করিব স্থাপন
 তোমার সবারে করি' আমার আপন !
 নিজ ক্ষুদ্র দুঃখ সুখ জলঘট সম
 চাপিছে দুর্ভর ভার মস্তকোত্তম,
 ভাঙি' তাহা, ডুব দিব বিশ্বসিন্ধু নীরে,
 সহজে বিপুল জল বহি' বাবে শিরে !

৯৮

মাঝে মাঝে কভু যবে অবসাদ আসি'
 অন্তরের আলোক পলকে ফেলে গ্রাসি',
 মন্দ পদে যবে শান্তি আসে তিল তিল
 তোমার পূজার বৃত্ত করে সে শিথিল
 ত্রিয়মাণ—তখনো না যেন করি ভয়,
 তখনো অটল আশা যেন জেগে রয়
 তোমা পানে !

তোমা পরে করিয়া নির্ভর
 সে শান্তির রাত্রে যেন সকল অন্তর
 নির্ভয়ে অর্পণ করি পথধূলি তলে,
 নিদ্রারে আহ্বান করি ! প্রাণপণ বলে
 ক্লান্ত চিত্তে নাহি তুলি ক্ষীণ কলরব
 তোমার পূজার অতি দরিদ্র উৎসব !
 রাত্রি এনে দাও তুমি দিবসের চোখে,
 আবার জাগাতে ভারে নবীন আলোকে !

৯৯

তব কাছে এই মোর শেষ নিবেদন—
 সকল ক্ষীণতা মম করহ ছেদন
 দৃঢ়বলে, অন্তরের অন্তর হইতে
 প্রভু মোর ! বীৰ্য্য দেহ স্নেহের সহিতে,
 স্নেহেরে কঠিন করি' ! বীৰ্য্য দেহ জুথে,
 বাহে হুঃখ আপনারে শাস্তস্নিত মুখে
 পারে উপেক্ষিতে । ভকতিরে বীৰ্য্য দেহ

কশ্মে যাহে হয় সে সফল. প্রীতি স্নেহ
 পুণ্যে ওঠে ফুটি' ! বীৰ্য্য দেহ, ক্ষুদ্র জনে
 না করিতে হীন জ্ঞান,—বলের চরণে
 না লুটিতে ! বীৰ্য্য দেহ, চিত্তে একাকী
 প্রত্যাহের তুচ্ছতার উর্দ্ধে দিতে রাখি' !

বীৰ্য্য দেহ তোমার চরণে পাতি' শির
 অহর্নিশি আপনারে রাখিবারে স্থির !

১০০

সংসারে মোরে রাখিয়াছ যেই ঘরে
 সেই ঘরে রব সকল ভুগে ভুলিয়া !
 করুণা করিয়া নিশিদিন নিজ করে
 রেখে দিয়ো তার একটি ছয়ার খুলিয়া ।
 মোর সব কাজে মোর সব অবসরে
 সে ছয়ার র'বে তোনারি প্রবেশ তবে,
 সেথা হতে বায়ু বহিবে রুদয় পরে
 চরণ হইতে তব পদরঞ্জ তুলিয়া !
 সে ছয়ার খুলি আসিবে তুমি এ ঘরে,
 আমি বাহিরিব সে ছয়ার থানি খুলিয়া !

আর যত সুখ পাই বা না পাই, তবু
 এক সুখ শুধু মোর তরে তুমি রাখিয়ো !
 সে সুখ কেবল তোমার আমার, প্রভু,
 সে সুখের পরে তুমি জাগ্রত থাকিয়ো !
 তাহারে না ঢাকে আর যত সুখগুলি,
 সংসার যেন তাহাতে না দেয় ধূলি,
 সব কোলাহল হতে তারে তুমি তুলি'
 যতন করিয়া আপন অঙ্গে ঢাকিয়ো !
 আর যত সুখে ভরুক ভিক্ষাবুলি
 সেই এক সুখ মোর তরে তুমি রাখিয়ো !

যত বিশ্বাস ভেঙে ভেঙে যায়, স্বামী,
 এক বিশ্বাস রয়ে যেন চিতে লাগিয়া !
 যে অনল তাপ যখনি সহিব আমি
 দেয় যেন তাহে তব নাম বুকে দাগিয়া !
 দুখ পশে যবে মর্মের মাঝখানে
 তোমার লিখন-স্বাক্ষর যেন আনে !
 রক্ষ বচন যতই আঘাত হানে
 সকল আঘাতে তব সুর উঠে জাগিয়া !
 যত বিশ্বাস ভেঙে যদি যায় প্রাণে
~~যত বিশ্বাস~~ বিশ্বাসে রয়ে যেন মন লাগিয়া !
